

Kœwurœ noe Yowane Tshatshu o'o

Asoeke kœdœ mabeti á Yowane, ayi avwa noe Yisu Kristu sú. Tshe pa adœke œneke kœ a œne sú, œne wu dœ ala œne, œ dji ndje dœ utu œne.

Endje te lima pa Yowane œ na œ za she vvi 6a lœ tshiki Patamose. Ádánœ á tshe su lima mbetinœ asœ kœdœ adœke œ za gbøgbø fœ ayindœ Yisu á endje sœ lima kœmbœrœ œrœ kanga fœ endje. Tshe pa fœ endje adœke endje shi gbi œrrr ga tœ amanœ.

Yisu ma œneke á mbœrœ bala tœ ye lœndœ kœka tshapashœ fœ she lœ ulu. Tshe wu œrœnœ lœ ulu adœke Satana dœ aandjelu noe ye œdœ azu para á endje dji she, Yisu œ ropa endje yé œ ko endje va ga lœ dïvwili kudu.

Mbetinœ kurutshelœtœ ye atake:

- Tshatshu o'o œdœ mokœ noe Kristu (1.1-8)
- Mbeti á endje sú fœ Ikrizia mindu dœ bisha (1.9-3.22)
- Buku á endje pi dœ amende awa mindu dœ bisha (4.1-8.1)
- Idi mindu dœ bisha (8.2-11.19)
- Yashe, Dalagona œdœ agea bisha (12.1-13.18)
- Yowane wu œrœ kpikpi lœ ulu (14.1-15.8)
- Yashi ókó noe Ndjaba mindu dœ bisha (16.1-21)
- Babilone ndi, yé Ndjaba ropa ayingba ye (17.1-20.10)
- Ndøngølœ kœwa ngbanga noe Ndjaba (20.11-15)
- Tafo tshalafo dœ pe tafo tshapashœ (21.1-22)
- Ndøngølœ o'o tœ upu noe kœkwa Yisu (22.6-21)

Tshatshu o'o

¹ Mœ sœ kœsu mbetinœ asœke tœ kœyisœ o'o á Yisu Kristu gbara. Ndjaba za lima tœnœ fœ she, adœke tshe yisœ œneke á lii kœmbœrœtœ endje lœ ondonœ asœke fœ aayi akwa nœ ye. Yisu Kristu yisœ o'once ascœmœ fœ Yowane, ayi akwa nœ ye lœ awa nœ kœvwa andjelu nœ ye fœ she. ² Yowane kœdœ timu nœ œneke kœ a tshe wu bata ulu. Tœnœ kœdœ O'o ama Ndjaba œdœ adjapu á Yisu Kristu pa. ³ Yanga nœ uzu á tshe di mbetinœ asœke, ndje dœ endjeneke á endje dji upu nœ kœgbara o'o asœ, yé á gbondœ œneke á endje sú ga la nœ. Gbambancœ nene, olonœ ndo ye.

Abala fœ azu lœ Ikrizia mindu dœ bisha

⁴ Emœ Yowane, mœ vwa abala fœ azu lœ Ikrizia mindu dœ bisha lœ ogo Azi. Kaka adœke Ndjaba ma ɔtshœ lœsu œdœ kœsœ gee nœ ye ga ndœ 'e; ɔtshœ lœsu œdœ kœsœ gee á to ba ndœ ye á tshe sœ zœ, á tshe sœ lima yé á sœ kœna tœnœ; ɔtshœ lœsu œdœ kœsœ gee á to ba ndœ aishirinœ mindu dœ bisha á endje ka utshu ngande tshagbozu nœ ye asœmœ; ⁵ ɔtshœ lœsu œdœ kœsœ gee á to ba ndœ Yisu Kristu á tshe dœ adja timu, eya Gbolo lœ ugrutœ akuzu œdœ uzu á tshe sœ ga pa agbozugo kœ pa ɔshœ. Yisu Kristu sœ kœyindœ azœ, œ gi azœ lœ ekperce nœ azœ lœ awa nœ indji ye, ⁶ yé œ fa azœ tœ anganga Ndjaba tshelœ ogo tshagbozu nœ ye ndœ kœmbœrœ akwa fœ Abanœ dœ Ndjaba. Kaka tshe gbœ mokœ œdœ gbœgbœ mbœrœ nbugu dœ nbugu. Ame!

⁷ 'E wu, Yisu œ jerœ lœ ondoro. Azu para kœkœ œ wu she, ataa endjeneke á endje sú lima she. Azu

ogo pa ɔshɔ djigi œ dítshelcema endje mangba upu
nœ ye. Æ, œ sœ kolœ ataa. Ame!

8 Gbozu Ndjaba nœ gbɔgbɔ kɔ, á tshe sœ zœ, á sœ
lima yé á sœ kœna tœnœ, pa adœke: «Mœ kœdœ
alinœ œdœ ndɔngɔlœnœ.»

Yowane wu Yisu lœ ulu

9 Emœ kœdœ aya 'e dœ Yowane á a ngbɔtœ azœ
dœ 'e bale lœ kœwu œrœ kanga, lœ ama akwa
noe Ogo gbozu nœ Ndjaba yé á sœ kœshi gbi lœ
kœngbɔtœ azœ bale dœ Yisu. Endje za lima mœ
vwi 6a lœ tshiki á i'irinœ kœdœ Patamose mangba
kœzatœ mœ ga tœ O'o ama Ndjaba œdœ ga tœ
adjapu á Yisu yisœ nœ. **10** Ḍtshɔ Ḍshiri sœ lima dœ
mœ dœ olo nœ Gbozu*, yé mœ sœ lima kœdji ɔgbɔ
tshama 6ata luba djagamanda mœ. **11** Tshamanœ
ki lima adœke: «Erœ á 6œ sœ kœwu tœnœ, su ga
la mbeti, yé œ vwa ga lœ Ikrizia mindu dœ bisha:
6a lœ Efeze, 6a lœ Simirnœ, 6a lœ Peregame, 6a lœ
Tiyatire, 6a lœ Sarde, 6a lœ Filadelfi œdœ ndje 6a
lœ Lawudukiya.»

12 Mœ fa lima tœ mœ mbœrœ kœwu uzu á tshe
sœ kœpa o'o fœ mœ asœmœ. Yé manda kœfatœ
mœ, mœ wu lima œrœ á endje ko tala ga panoœ
mindu dœ bisha (7) á endje mboerœ dœ ɔrœ. **13** Yé
mœ wu œrœ œ ka lima 6a uguru œrœ á endje ko
tala ga panoœ 6ata Gbolo nœ uzu. Uzunœ verœ
yɔgbɔdɔ lœba, œ i uwu á endje mbœrœ dœ ɔrœ ga
lœ okoro ye. **14** Sukumu ye sœ tœ imbinœ urrr 6ata
imbi usu pata, yé ala ye sœ 6ata laba owo. **15** Ada ye

* **1.10** 1.10 Olo nœ Gbozu kœdœ lima utshuncœ ɔlɔ yenga á ayindœ
Yisu sœ lima kœngbɔtœ endje ndœ kœgbe dœ olo á Yisu she lima lœ
akuzu (Akw 20.7; Yow 20.1)

tshi lima 6ata waya á endje yi ga ta wo yekane á ye kotenœ. Tshama ye wu lima 6ata tshama udjuru egerœ ungu. ¹⁶ Ba tœ kuni ye, tshe tepe angerepe mindu dœ bisha yé īngiri yakamba á amancœ bisha ki waa, sœ lima kœwuta lœ ama ye. Tshatshu ye sœ lima kœtshi tœnœ 6ata ɔlo á tshi dœ gbøku ɔlo.

¹⁷ Lœkœ á mœ wu she, mœ te ga tœ ada ye 6ata uzu á tshe tshu ye. Tshe to kuni ye ga pa mœ, œ pa adœke: «Awa zaza 6œ nene! Emœ kœdœ ali uzu œdœ ndøngølœ uzu. ¹⁸ Emœ kœdœ uzu á tshe sœ dœ soro. Mœ tshu lima ye kashe ngøngø asœke, mœ sœ dœ soro waa dœ waa. Emœ dá sœ dœ herela noe kuzu œdœ pe herela noe osho noe akuzu. ¹⁹ Ataa, su œrœ neke á 6œ wu, œneke á sœ zœ œdœ œneke á na manda noe. ²⁰ Tœ upu noe angerepenœ mindu dœ bisha á 6œ wu 6a tœ kuni mœ œdœ œrœ á endje ko tala ga panœ mindu dœ bisha á endje mbœrœ dœ œrœ asœmœ, wu ádancœ á kotoe endje yiwa tœnœ dœke: angerepœ mindu dœ bisha kœdœ aandjelu noe Ikrizia mindu dœ bisha, yé œrœ á endje ko tala ga panœ mindu dœ bisha kœdœ Ikrizia mindu dœ bisha.»

2

Mbeti á endje sú fœ Ikrizia 6a lœ Efeze

¹ «Su mbeti fœ andjelu noe Ikrizia 6a lœ Efeze adœke:

«Uzu á tshe ko angerepe mindu dœ bisha ga tœ kuni ye yé á sœ kœna ugurutoe tala mindu dœ bisha á endje mbœrœ dœ œrœ asœmœ, pa adœke: ² Mœ wusœ neke á 6œ sœ kœmbœrœ tœnœ ye, ili á 6œ vwi œdœ pe kœru lœsu noe zœ. Mœ wusœ

noe adœke bœ yiyingdœ kœsœ tœ œsœnœ dœ aayi katshalœsu nene. Bœ wu lœsu endjeneke á endje sœ kœpa adœke œne kœdœ aayi avwa kashe endje dœdœ aayi avwa nene, yé bœ wu endje tœ aayi wala. ³ Bœ ru lœsu zœ, bœ wu œrœ kanga tœ upu noe i'iri mœ yé bœ mœmœ nene. ⁴ Kashe mœ sœ dœ o'o bale kœgbagbara bœ: bœ katoe kœyindœsho nœ zœ lima utshunœ ga ndœ mœ ye. ⁵ Gbe tshelœ zœ tœ osho á bœ to tœnœ á te kane. Fatshalœsu zœ yé œ kwatœ zœ ndœ akwa á bœ mbœrœ lima utshunœ. œdœ bœ kœfafatshalœsu zœ nene, mœ na ga ndœ zœ yé mœ gi tala noe zœ tœ oshonœ á sœ tœnœ asœmœ ye. ⁶ Kashe, œrcœnœ asœke sœ mbœrœ bœ: bœ sœ kœyiangba œrœ á Anikolayiti sœ kœmbœrœ tœnœ bata mœ ndje.

⁷ «Kaka uzu á tshe sœ dœ utu, dji o'onœ á Iširœ sœ kœpa fœ azu Ikrizia.

«Uzu neke á tshe ropa ekperœ kœ, mœ za awa fœ she adœke tshe zi leyœ noe soro á sœ ba lœ paradizo noe Ndjaba.»

Mbeti á endje sú fœ Ikrizia ba lœ Simirnœ

⁸ «Su mbeti fœ andjelu noe Ikrizia lœ Simirnœ adœke:

«Uzu á tshe dœ alinœ œdœ ndœngœlœnœ, tsheneke á tshe tshu lima kashe á kwatœ ye ga lœ soro, pa atake: ⁹ Mœ wusœ œrœ kanga noe zœ œdœ pe oyo noe zœ, kashe œbœ kœdœ ayi kœgbœrœ. Mœ wusœ ekpe o'o á azu á endje pa adœke œne kœdœ Ayuda sœ kœpa ga tœ ɔkœ zœ kashe endje dœdœ Ayuda nene, endje kœdœ Sinagoga noe Satana. ¹⁰ Awa mbœmbœrœ bœ tœ œrœ kangancœ á bœ wu bala nene. Dji kane:

djaboro œ ko anga azu ndjoro ugurutœ 'e va ga lœ anda kânga mbœrœ kœwu lœsu 'e, endje mbœrœ œrœ kanga fœ 'e manda olo ndjokpa. Zatœ zœ ga tœ kœyindœrœ noe zœ œrrr ga tœ kuzu zœ, yé mœ za bala kpoto noe soro fœ 6œ.

11 «Kaka uzu á tshe sœ dœ utu, dji o'onœ á Ishitiri sœ kœpa fœ azu Ikrizia!

«Uzu neke á tshe ropa ekperœ kœ, tshe tshu kuzu noe bisha nene.»

Mbeti ñ endje sú fœ Ikrizia 6a lœ Peregame

12 «Su mbeti fœ andjelu noe Ikrizia lœ Peregame adœke:

«Uzu á tshe sœ dœ ïngiri yakamba á amanœ bisha kî waa, pa adœke: **13** Mœ wusœ osho á 6œ sœ tœnœ ye: œtœnce kœdœ osho á ngande tshagbozu noe Satana sœ tœnœ. Kashe 6œ zatœ zœ kœ fœ mœ yé œ 'ea'ea mœ lœ kœyindœrœ noe zœ nene, ataa ga tœ lœndœ á endje wo lima dœ Atipase á tshe dœ adja timu noe mœ 6a ndœ 'e, 6a tœ osho á Satana sœ tœnœ. **14** Kashe mœ sœ dœ o'o kœgbagbara 6œ tœnœ: Azu á endje sœ kœro manda kœyisœrœ noe Balaame sœ ndœ zœ. Balaame sœ lima kœu Balake adœke tshe gi úkú ga tœ awa azu Israyele mbœrœ kœvwa endje adœke endje zi songba agea á endje to tœ tokóró fœ andjaba œdœ kœvwa endje ndœ kœmbœrœ angba budu. **15** Ba ndœ zœ ndje, anga azu á endje sœ kœna manda kœyisœrœ noe Anikolayiti sœ zœ. **16** Ataa, fatshalœsu zœ. Ete nene, mœ sœ kœna ga ndœ zœ lœ ondonœ, yé mœ nga koshe ga tœ endje dœ ïngiri yakamba á sœ kœwuta lœ ama mœ.

17 «Kaka uzu á tshe sœ dœ utu, dji o'onœ á Ishitiri sœ kœpa fœ azu Ikrizia.

«Uzu neke á tshe ropa ekperœ kœ, mœ to mane* á zatœ endje yiwatœnœ fœ she, mœ za bala imbi badja á endje sú tafo i'iri ga pa nœ fœ uzu dœ uzu; i'iri á uzu bale wuwusœ nœ nene, kolœ tsheneke á tshe gbo, dá wusœ nœ.»

Mbeti á endje sú fœ Ikrizia ɓa lœ Tiyatire

18 «Su mbeti fœ andjelu nœ Ikrizia lœ Tiyatire adœke:

«Gbolo nœ Ndjaba á ala ye sœ koetshi bata owo yé ada ye sœ koetshi ndje bata waya á endje yi ga ta wo yekane á ye kotenœ, pa adœke: ¹⁹ Mœ wusœ œneke á bœ sœ koembœrœ tœnœ ye, kœyindœsho nœ zœ, kœzatœ zœ ga toe kœyindœrœ, mara koembœrœ dœ akwa nœ zœ œdœ pe kœru lœsu nœ zœ. Mœ wusœ nœ adœke œrœ neke á bœ sœ koembœrœ ngɔngɔ asœke ropa œneke á bœ mbœrœ lima utshunœ ye. ²⁰ Kashe mœ sœ dœ o'o bale kœgbagbara bœ tœnœ: Bœ za awa fœ Zezabele, yashe á tshe sœ koematœ ye adœke œne kœdœ ayi kœgbara o'o ama Ndjaba. Tshe sœ kœfara aayi akwa nœ mœ ndœ koembœrœ angba budu dœ pe kœzi songba agea á endje to tœ tokóró fœ andjaba. ²¹ Mœ katœolo fœ she adœke tshe fatshalœsu ye kashe tshe yiyindœ kœkatœ angba budu nœ ye ti nene. ²² Mbœrœ tœnœ ataa, mœ za she vwi ga pa kelekpa nœ ɔgbœ œrœ kanga awa bale dœ endjenœke á endje sœ koembœrœ angba budunœ dœ she œdœ endje kœkakatœ koembœrœ angba budunœ ti nene. ²³ Ga panœ, mœ wo agbolo nœ ye. Ataa, azu Ikrizia

* **2.17** 2.17 Mane kœdœ rœgo á Ndjaba to lima fœ agbolo Israyele tœ awa nœ kœwuta endje lœ kanga. Dœ o'o ama Ebre, i'rinœ asœmœ kœdœ «Asœke kœdœ gafe»

kɔ œ wusœ noe adœke œmœ kœdœ tsheneke á tshe wusœ gbetshelœ œdœ lɔsu azu. Mœ za œrœ tshangba akwa noe uzu dœ uzu liaka œneke á tshe mbœrœ, fœ she.

²⁴ «Kashe tœ upu noe 'e lœ Tiyatire á 'e vwaratœ 'e tœ ekpe kœyisœrœ noe azunœ asœmœ, yé á tshapu kœwusœ œneke á azunœ sœ kœ'e tœnœ adœke "kœyisœrœ noe Satana lœ ubunoœ", mœ sœ kœpa fœ 'e ngbi adœke: mœ kpa za anga angbi kongba ga pa igi 'e nene. ²⁵ Kashe 'e tepa œneke á 'e sœ dœ tœnœ ngbirœ œrrr ga tœ kœkwa mœ.

²⁶⁻²⁸ «Azu neke á endje ropa ekperœ kɔ yé á sœpe kœmbœrœ akwa noe mœ œrrr ga tœ ndɔngɔlɔnœ, mœ za bala tshagbozu á mœ gbo ɓa ndœ Aba mœ fœ endje. Mœ za tshagbozu noe kœsœ ga pa ogo kɔ fœ endje. Endje gboendœ azu ogonœ dœ ɔgbɔnœ, yé œ ndi tshelœ endje krœna ɓata lɔsú á endje mbœrœ dœ oto. Awa bale, mœ za tombele fœ azunœ asœmœ.

²⁹ «Kaka uzu á tshe sœ dœ utu, dji o'onœ á Ishiri sœ kœpa fœ azu Ikrizia!»

3

Mbeti á endje sú fœ Ikrizia ɓa lœ Sarde

¹ «Su mbeti fœ andjelu noe Ikrizia lœ Sarde adœke:

«Uzu á tshe sœ dœ Ishiri noe Ndjaba mindu dœ bisha, ndje dœ angerepe mindu dœ bisha asœmœ pa adœke: Mœ wusœ œneke á ɓœ sœ kœmbœrœ tœnœ ye, mœ wusœ œneke á azu sœ kœpa tœ upu noe zœ adœke ɓœ sœ dœ soro andaa ɓœ tshu ye.

² Ala zœ gbo, yé za gbɔgbo fœ udu soro zœ á ndo koetshu tœnœ asœmœ kane. Gbambanœ nene,

mœ wu adœke anga akwa bale á 6œ sœ kœmbœrœ tœnœ á sœ tœ ɔtshœnœ utshu Ndjaba nœ mœ, kpa gugu nene. ³ Gbe tshelœ zœ tœ o'o ama Ndjaba á endje yi lima sœ nœ fœ 6œ yé á 6œ dji kane. Gbœndœ nœ yé œ fatshalœsu zœ. (Edœ ala zœ kœgbœgbœ nene, mœ na trosha ga ndœ zœ ɓata ayi angba, 6œ wusœ ada ɔlœnœ á mœ na dœ tœnœ ndœ kœndondoro 6œ nene. ⁴ Andaa, 6œ sœ dœ anga azu ndœ zœ lœ Sarde á endje djadja kote lœba nœ endje nene. Endje verœ imbi lœba ga tœ endje adœke 'a rotœ awanœ bale dœ endje, gbambanœ nene, endje li dœ tœnœ ye.

⁵ «Ataa, azu neke á endje ropa ekperœ kœ, endje verœ imbi lœba, mœ wo i'iri endje ala buku nœ soro nene. Mœ yindœ nœ bala utshu Aba mœ œdœ utshu aandjelu nœ ye adœke endje kœdœ azu nœ mœ.

⁶ «Kaka uzu á tshe sœ dœ utu, dji o'onœ á Ishitri sœ kœpa tœnœ fœ azu Ikrizia.»

Mbeti á endje sú fœ Ikrizia ɓa lœ Filadelfi

⁷ «Su mbeti fœ andjelu nœ Ikrizia lœ Filadelfi adœke:

«E dji o'o á uzu á tshe sœ yerœ, á dœ adja adjapu, pa fœ 'e kane. (Eshe dá tepa herela nœ gbozugo Davidi, á tshe kœkœrœ dœ manda, uzu bale œ li koetshu tœnœ nene, yé á tshe koetshu ga tœnœ, uzu bale œ li kœkœrœ tœnœ nene. Tshe pa adœke: ⁸ Mœ wusœ akwa nœ zœ ye. Mœ wusœ nœ adœke 6œ sœ dœ gbœgbœ teasho yé atamœ gbaa, 6œ lisœ o'o ama mœ yé œ 'ea'ea nene. Mbœrœ tœnœ ataa, mœ kœkœrœ manda utshu zœ á uzu bale œ li koetshu tœnœ nene. ⁹ (Erœnœ á mœ mbœrœ dœ azu tshelœ Sinagoga nœ Satana, dœ endjeneke á endje sœ

kœpa adœke œne kœdœ Ayuda kashe endje dœdœ Ayuda nene mbœrœ endje sœ kœpa wala, dœke: Mœ shosho endje adœke endje na kœgote ga tœ ada zœ, yé endje wusœ nœ adœke mœ yindœ zœ. ¹⁰ Mbœrœ á bœ gbœndœ o'o ama mœ dœ kœru lœsu asœmœ, œmœ ndje, mœ gbœndœ zœ lœ œrœ kangancœ á na ndœ azu tshapashœ asœ djigi mbœrœ kœwu lœsu endje. ¹¹ Mœ na lœ ondonœ asœ. Tepa œrœnœ á bœ sœ dœ tœnœ ngbiri adœke uzu bale zaza kpoto tshagbozu nœ zœ tœ zœ nene.

¹² «Uzu neke á tshe ropa ekperœ kœ, mœ fa she tœ sharagunda tshelœ Tepelo nœ Ndjaba nœ mœ, yé tshe kpa wuta ga ushu bale nene. Mœ su i'iri Ndjaba nœ mœ dœ pe i'iri ongbo nœ Ndjaba nœ mœ ga pa ye. Ongbonœ ascœmœ kœdœ tafo Yerusalemœ á to ba ndœ Ndjaba nœ mœ ba lafo yeka á jerœ ascœmœ. Mœ su ndje tafo i'iri mœ ga pa ye.

¹³ «Kaka uzu á tshe sœ dœ utu, dji o'onœ á Išhiri sœ kœpa fœ azu Ikrizia.»

Mbeti à endje sú fœ Ikrizia ɓa lœ Lawudukiya

¹⁴ «Su mbeti fœ andjelu nœ Ikrizia lœ Lawudukiya adœke:

«Uzu á endje e she Ame, á tshe dœ adja timu yé á sœ kœpa adjapu, œshe á tshe sœ lima utshu ali œrœ á Ndjaba mbœrœ kœ pa ɔshœ, pa adœke:

¹⁵ Mœ wusœ akwa nœ zœ ye: mœ wusœ nœ adœke bœ sœsœ kpazitœ too wodawoda nene. Yé œ sœ má tœ ɔtshœnœ adœke bœ sœ kpazitœ too wodawoda. ¹⁶ Kashe mbœrœ á bœ wo mboo, bœ sœsœ kpazitœ too wodawoda nene, mœ ndja bœ lœ ama mœ. ¹⁷ Gbambancœ nene, bœ pa adœke:

“Œmœ kœdœ ayi kœgbœrœ, mœ sœ dœ œrœ waa, mœ kpa gbegbe dœ anga œrœ nene.” Kashe bœ wuwusœ nœ nene adœke bœ sœ dœ oyo, uzu á tshe gugu dœ œrœ nene, ayibula, ayi oyo œdœ uzu á tshe sœ kpêdro. ¹⁸ Mbœrœ toenœ ataa, mœ sœ kœmi upu fœ bœ adœke bœ na bœ na ndœ mœ œ yœ œrœ á endje yi ga tœ owo á ye kotenœ, yekane á kœwuta ayi kœgbœrœ. Yœ ndje imbi lœba mbœrœ kœverœ ga tœ zœ yeka á kœgbogbœ tshula tœ kpœndro zœ nene. Yœ ndje œyœ kœta ga la zœ mbœrœ á kœwu osho dœ œtshœnœ.

¹⁹ «Azu kœ á mœ yindœ endje, mœ sœ kœza djofele fœ endje ndœ kœyœrœ endje. Ma egerœ ogo kœmbœrœ akwa nœ zœ yé œ fatshalœsu zœ. ²⁰ Dji kane, mœ ka lœ manda yé œ sœ kœnge toenœ. Œdœ anga uzu koedji tshama mœ yé á kœrœ manda, mœ li ga ndœ ye œ zi œrœ awa bale dœ she, yé œsœ ndje, awa bale dœ mœ.

²¹ «Uzu neke á tshe ropa ekperœ kœ, mœ za awa fœ she kœsœ awa bale dœ mœ ga pa ngande tshagbozu nœ mœ, bata mœ ndje á mœ ropa anga mœ yé á na kœsœ awa bale dœ Aba mœ ga pa ngande tshagbozu nœ ye.

²² «Kaka uzu á tshe sœ dœ utu, dji o'onœ á Iširi pa fœ azu Ikrizia!»

4

Kœdonga Ndjaba bœ lafo

¹ Manda nœ, mœ wu manda á kœrœ bœ lafo.

Mœ dji tshama á mœ dji lima utshunœ kœpa o'o fœ mœ dœ awwara bata luba adœke: «œ ga mœ dœ mœ yisœ œneke kœ á li adœke œ mbœrœtœ endje manda nœ, fœ bœ.»

² Pe tœ œsœnœ, Ishiri nœ Ndjaba jerœ lima ga pa mœ, yé mœ wu ngande tshagbozu bale 6a lafo 6a zœ, angauzu sœ lima ga pa nœ. ³ Uzunœ asœmœ tshi lima 6ata badja á amanœ gbo waa, á i'irinœ kœdœ jaspe œdœ dœ badja á i'irinœ kœdœ sardwane*. Avwenge á sœ lima dji ngande tshagbozunœ, sœ lima kœtshi 6ata badja á i'irinœ kœdœ emerode. ⁴ Dji indiri ngande tshagbozu, anga ngande tshagbozu sœ lima zazu bale dœ vana (24) á agbozu Ikrizia zazu bale dœ vana sœ lima ga panœ. Endje verœ lima imbi lœba ga tœ endje yé œ veroe kpoto tshagbozu á endje mbœrœ dœ œrœ ga tœ kumu endje. ⁵ Ngande tshagbozunœ sœ kœyerœwa tœnœ, tshama sœ kœki tœnœ yé œ sœ ndje kœssœ 6ata yavuru. Tala mindu dœ bisha sœ lima kœtshi utshu ngande tshagbozunœ, talanœ asœmœ kœdœ ishirï nœ Ndjaba mindu dœ bisha. ⁶ Kpœ utshu ngande tshagbozunœ, œ sœ lima 6ata egerœ ungu á sœ lima kœtshi 6ata wushiri, tshala ungunœ sœ lima ngbii 6ata badja á i'irinœ kœdœ kristale.

Ba ugurunœ, dji indiri ngande tshagbozunœ, anga œrœ vana á sœ dœ soro sœ lima kpœtœmœ, ala za tshatshuncœ djigi œdœ tshamanda nœ. ⁷ Ali œrœnœ á sœ dœ soro sœ lima 6ata bamara, bishanœ sœ lima 6ata ovoro ɔkœ ngombe, tshenœ votœnœ tshatshu ye sœ lima 6ata œnce uzu, yé tshenœ vananœ sœ lima 6ata divumbala á tshe sœ kœru tœnœ. ⁸ (Eœrœnœ á sœ dœ soro vavana kœ sœ lima dœ ombo tœ endje mindu dœ bale, yé kote ombonce kœ sú lima dœ ala, dja ga pa nœ œdœ pe

* **4.3 4.3 Sardwane:** Tœnœ kœdœ ɔgbo badja á sœ tœ wolancœ

dja ga ati kɔ. Endje kaka lima tœ kœbi itshi ti nene butshɔ dœ ɔlɔ, endje sœ kœbi itshincœ adœke:
 «Yerœ, Yerœ, Yerœ, Gbozu Ndjaba nœ gbɔgbɔ kɔ,
 tsheneke á tshe sœ lima, á tshe sœ zœ yé á na bala.»

⁹ Yé œ kœsœ adœke, œrœnœ á sœ dœ sorø asœmœ sœ tœ kœza mokɔ dœ kœliscœtœ, ndje dœ kœgi mershe fœ uzunœ á tshe sœ ga pa ngande tshagbozunœ, yé á sœ dœ sorø waa dœ waa asœmœ, ¹⁰ agbozu Ikrizianœ zazu bale dœ vana (24) sœ lima kœgote ga utshu tsheneke á tshe sœ ga pa ngande tshagbozunœ, yé œ sœ lima kœdonga tsheneke á tshe sœ dœ sorø waa dœ waa. Endje ko lima kpoto tshagbozunœ tœ kumu endje va ga ati ga utshu ngande tshagbozunœ asœmœ, á sœ lima kœpa adœke:

¹¹ «Gbozu, Ndjaba nœ 'a! Bœ li adja dœ kœgbɔ mokɔ, kœliscœtœ dœ pe gbɔgbɔ.

Gbambarœ nene, œfœ dá mbœrœ œrœ kɔ;
 œfœ dá mbœrœ yé á yindœ nœ adœke œ sœ zœ.»

5

Buku œdœ aya Pata

¹ Mœ wu buku á endje djeedje ga tœnœ lœ kane kuni uzunœ á tshe sœ ga pa ngande tshagbozunœ. Endje sú mbeti ga lance dœ pe tshapancœ kɔ, yé œ pi dœ amende mindu dœ bisha. ² Mœ wu anga andjelu á tshe sœ dœ gbɔgbɔ waa kœta rawa adœke: «Uzu de dá li kœ'i amendencœ, á kœkɔrɔ bukunœ a?» ³ Kasheuzu bale nene, œdœ 6a lafo, œdœ 6a pa shɔ, œdœ 6a budu ɔshɔ, lili lima kœkɔrɔ bukunœ yeka á kœmesho ga la nœ nene. ⁴ Mœ ki lima waa tœ kœwu adœkeuzu bale á tshe li kœkɔrɔ

bukunœ, á kœmesho ga la nœ, gugu nene. ⁵ Kashe anga agbœ gbozu bale lœ agbozu Ikrizianœ pa fœ mœ adœke: «Kiki nene! Mesho, bamara lœ mara nœ Yuda, ata gbozugo Davidi ropa azu kœ. Tshe lii kœ'i amende mindu dœ bisha asœmœ yé œ lii kœkœrœ bukunœ ye.»

⁶ Yé mœ wu aya Pata á tshe ka uguru ngande tshagbozunœ á œ œrœ vana á sœ dœ soro œdœ agbozu Ikrizianœ asœmœ sœ dji indiri ye. Aya Patancœ sœ lima bata endje wo she ye. Tshe sœ lima dœ idœ ye mindu dœ bisha, dœ ala ye mindu dœ bisha á dœ ishirœ nœ Ndjaba mindu dœ bisha á tshe vwa lima ga pa œshœ kœ. ⁷ Aya Patancœ na ndoo yé œ za bukunœ lœ kane kuni uzunœ á tshe sœ lima ga pa ngande tshagbozunœ. ⁸ Lœkœ á tshe za bukunœ, œrœ vana á sœ dœ soro œdœ agbozu Ikrizianœ zazu bale dœ vana (24) asœmœ gote ga utshu ye. Uzu dœ uzu sœ lima dœ kundi, dœ pe kopo á endje mboœrœ dœ œrœ á sú dœ yombo á dœ avwala nœ ayeroe azu. ⁹ Endje sœ lima kœbi tafo itshi adœke:

«Bœ lii tœ kœza bukunœ,
œdœ kœ'i amende tœnœ ye.
Gbambancœ nene, endje wo lima bœ,
yé lœ awa nœ indji zœ,
bœ yœ azu fœ Ndjaba,
á endje to lœ mara kœ,
lœ ama ogo kœ, lœ azu ogo kœ œdœ lœ ogo kœ.

¹⁰ Bœ fa endje tœ anganga Ndjaba tshelœ ogo gbozu tshebale
mbœrœ kœmbœrœ akwa fœ Ndjaba nœ azœ,
yé endje te bala agbozugo tshapa œshœ.»

11 Mœ mesho, yé œ dji tshama aandjelu ndjoro. Endje sœ lima kutu dœ kutu kœropancœ yé œ ka dji indiri ngande tshagbozunœ, dji indiri œrcœ á sœ dœ soro œdœ pe dji indiri agbozu Ikrizianœ.

12 Endje sœ lima kœbi itshi dœ agbœ tshama adœke: «Aya Patancœ á endje wo lima she lii adja kœgbœ gbœgboœ,

dœ kœgbœrœ, dœ kœwusœtœ, dœ kœmbœrœ djagbala,

dœ kœliscœtœ, dœ mokœ,

œdœ dœ kœdonga osho!»

13 Mœ dji tshama œrcœ kœ á Ndjaba mbœrcœ ba lafo, dœ œneke á tshe mbœrcœ pa oshœ, dœ œnœ tshabudu oshœ, dœ œnœ tshalangu. Ærœ para á sœ zœ pa tshapashœ, sœ lima kœbi itshi adœke:

«Mbœrcœ uzuncœ á tshe sœ ga pa ngande tshagbozunce

œdœ aya Patancœ asœmœ,

kaka kœdonga osho, kœliscœtœ, mokœ

œdœ tshagbozu sœ fœ she waa dœ waa.»

14 Ærœ vana á sœ dœ soro asœmœ pa lima adœke: «Ame!» Yé agbozu Ikrizianœ gote lima, œ donga Ndjaba.

6

Aya Pata 'i amende tœ buku

1 Manda nœ, mœ wu lima aya Patancœ, tshe 'i ali amende ugurutœnœ mindu dœ bisha asœmœ. Yé ugurutœ œrcœ á sœ dœ soro asœmœ, mœ dji tshama tshenœ utshuncœ kœpa fœ mœ dœ avwara bata kœsœ yavuru adœke: «Na ga mœ!» **2** Mœ me lima osho, yé œ wu imbi mbarata. Uzu á tshe œ ga pa ye sœ dœ ndjoboro tshakane ye, yé endje za

ndje kpoto tshagbozu fœ she. Tshe na lima bata uzu á tshe ropa azu kœ œdœ mbœrœ kpa kœropa azu kœ.

³ Lökœ á aya Patanœ 'i bisha amendenœ, mœ dji tshama bisha œrœ á sœ dœ soro asœmœ kœpa lima adœke: «Na ga mœ!» ⁴ Yé anga mbarata tœ odoronœ wuta. Uzu á tshe œ lima ga pa ye asœmœ, endje za lima egerœ ingiri yakamba œdœ pe ndje tshagbozu fœ she adœke tshe gœrœ kœsœ gee pa œshœ yeka azu kœwotœ endje ugurutœ endje.

⁵ Lökœ á aya Patanœ 'i votœ amendenœ, mœ dji votœ œrœ á sœ dœ soro asœmœ kœpa lima adœke: «Na ga mœ!» Yé mœ wu lima anga ubu mbarata bale. Uzu á tshe œ lima ga pa ye sœ dœ œrœ kœli dœ kilo tshakane ye. ⁶ Yé mœ dji tshama uzu kœpa ba ugurutœ œrœ vana á sœ dœ soro asœmœ adœke: «Kilo bale nœ ble li dœ ngendja tshangba akwa nœ olo bale, yé kilo votœ nœ orje li dœ ngendja tshangba akwa nœ olo bale, kashe mbœmbœrœtœ kada œdœ vinunœ nene.»

⁷ Lökœ á aya Patanœ 'i vana amendenœ, mœ dji tshama vana œrœ á sœ dœ soro asœmœ kœpa lima adœke: «Na ga mœ!» ⁸ Mœ me lima osho, yé mœ wu mbarata á œkœ ye bata ungu ngondja. F'irœ uzu á tshe œ ga pa ye kœdœ Kuzu, yé osho kœsœ nœ akuzu sœ lima kœna manda ye. Endje ko lima tshagbozu fœ endje ga pa anga tshakele œshœ bale lœ vana adœke endje wo azu ogo dœ egerœ koshe, dœ egerœ ogo, dœ ekpe kœba á za osho, œdœ dœ awa nœ akatshagea tshapa œshœ.

⁹ Lökœ á aya Patanœ 'i mindu amendenœ, mœ wu iširœ azu á endje wo lima endje, ba tshakudu ndaba. Endje wo lima azuncœ asœmœ mbœrœ á

endje sœ lima kœzatœ endje ga tœ o'o ama Ndjaba, yé á sœ lima kœma œrœ tœ upu nœ ye. ¹⁰ Endje sœ lima kœve rawa dœ ɔgbœ adœke: «Gbozu á bœ sœ Yerœ á dœ uzu nœ adjapu, bœ sœ kœkate gade kœwa nganga œdœ pe kœnga koshe pa indji 'a ga pa azu tshapashœ a?» ¹¹ Yé endje ko imbi rœbe fœ uzu dœ uzu, œ pa fœ endje adœke endje kate teasho mboœrœ kumu endje lili damba nene. œ li adœke aanga endje lœma akwa œdœ pe aaya endje á li má adœke endje wo endje bata endje, li yekane.

¹² Lœkœ á aya patanœ 'i mindu dœ bale amendenœ, moœ mesho œ wu, ɔshœ tetœ kœturu tœnœ dœ ɔgbœ. ɔlœ bu kporokoto bata lœba kuzu, yé yapu doro djigi bata indji. ¹³ Angerepe tshalafo sœ lima kœyo ga tœ ɔshœ bata ele fige á gbœgbœ damba nene yé á egerœ yugu sœ kœmea tœnœ. ¹⁴ Tshalafo yiwa bata buku bale á endje dje ga tœnœ, kaga para œdœ tshiki gitœ endje tœ osho á sœ lima tœnœ ye. ¹⁵ Agbozugo tshapa ɔshœ, azu á œ sœ endje li, agbozu tshapa aturugu, aayi kœgbœrœ œdœ aayi gbœgbœ, azu para kœkœ, akanga œdœ azu á endje dœdœ akanga nene, endje ko lima tœ endje yiwa tœnœ ga lœ gorokpa œdœ ba lœ ɔngœ badja lœ kaga. ¹⁶ Endje sœ lima kœpa fœ kaga œdœ fœ badja adœke: «'E yo ga pa 'a, yé œ ko 'a yiwa tœnœ zara tœ tsheneke á tshe sœ pa ngande tshagbozu œdœ zara tœ ókó nœ aya Pata. ¹⁷ Gbambanœ nene, egerœ olo ókó nœ endje wuta ye, yé œdœ dá she a?»

(144.000)

¹ Manda œneke asœmœ, mœ Wu aandjelu vana á endje ka ga tœ panga tshapashœ vavana. Endje sœ lima kœkundœ yugu vana ba pa ɔshœ adœke adj a anga yugu bale nana pa ɔshœ nene, œdœ pa egerœ ungu, œdœ pa ɔyœ. ² Yé mœ Wu lima anga angbi andjelu á tshe to ba tœ osho á ɔlœ œ wuta tœnœ asœmœ, tshe sœ dœ œrœ a endje du dœ tshapala azu nœ Ndjaba nœ soro tshakane ye. Tshe pa o'o dœ ɔgbœ tshama fœ aandjelunœ vana á endje gbo lima tshagbozu mbœrœ kœndi tshapa ɔshœ dœ pe egerœ ungu asœmœ adœke: ³ «'E ndindi tshapa ɔshœ, egerœ ungu œdœ pe ɔyœ nene, œrrr ga tœ adœke endje du tshapala aayi akwa nœ Ndjaba nœ azœ yekane.»

⁴ Yé endje pa lima ndœma kœngba azu á endje du tshapala endje dœ œrœ á endje du dœ tshapala azu nœ Ndjaba, fœ mœ. Azunœ sœ lima kutu kama zazu bisha dœ vana (144.000) lœ mara nœ azu Israyele para kœkœ. ⁵ Ba lœ mara nœ Yuda, endje du lima ga pa ala azu kutu ndjokpa dœ bisha (12.000); ba lœ mara nœ Rubene, azu kutu ndjokpa dœ bisha; ba lœ mara nœ Gade, azu kutu ndjokpa dœ bisha; ⁶ ba lœ mara nœ Asere, azu kutu ndjokpa dœ bisha; ba lœ mara nœ Nefetali, azu kutu ndjokpa dœ bisha; ba lœ mara nœ Manasse, azu kutu ndjokpa dœ bisha; ⁷ ba lœ mara nœ Shimeyo, azu kutu ndjokpa dœ bisha; ba lœ mara nœ Levi, azu kutu ndjokpa dœ bisha; ba lœ mara nœ Isakare, azu kutu ndjokpa dœ bisha; ⁸ ba lœ mara nœ Zabulone, azu kutu ndjokpa dœ bisha; ba lœ mara nœ Yozefu, azu kutu ndjokpa dœ bisha; ba lœ mara nœ Bendjame, azu kutu

ndjokpa dœ bisha.

Ukpulu azu ndjoro ð endje to tœ osho kœ

⁹ Manda œneke asœmœ, mœ mesho yé œ kpa
wu ukpulu azu ndjoro á uzu bale lili kœdi endje
nene. Endje to lima lœ ogo kœ, lœ mara kœ, lœ
azu ogo kœ œdœ lœ o'o ama ogo kœ. Endje ka lima
ga utshu ngande tshagbozunœ œdœ ba utshu aya
Patanœ, endje verœ imbi rœbe ga tœ endje yé œ ko
kako ngima ga tshakane endje. ¹⁰ Endje sœ lima
kœmindœ o'o dœ ɔgbœ tshama adœke: «Kœshe to
ba ndœ Ndjaba nœ azœ á tshe sœ ga pa ngande
tshagbozu œdœ ndje ba ndœ aya Pata!» ¹¹ Yé
aandjelu para kœkœ á endje ka dji ngande tshag-
bozunœ, dœ agbozu Ikrizianœ, dœ œrœ vana á sœ
dœ soro asœmœ, endje gote lima ga utshu ngande
tshagbozunœ, yé œ tara kumu endje ga ati, œ tetœ
kœdonga Ndjaba ¹² dœ kœpa adœke: «Ame! Mershe!
Kaka kœdongasho, mokœ, kœwusœtœ, kœliscœtœ,
kœsœ dœ gbœgbœ œdœ kœmbœrcœ djagbala, sœ fœ
Ndjaba nœ azœ nbugu dœ nbugu! Ame!»

¹³ Ugurutœ agbozu Ikrizianœ asœmœ, anga
bale yu mœ adœke: «Azunœ á endje verœ imbi
rœbenœ asœmœ kœdœ ade? Yé endje to kpœta a?»

¹⁴ Mœ gi fœ she adœke: «Gbozu nœ mœ, œfœ dœ
wusœ nœ.» Á tshe kœpa fœ mœ adœke: «Endje
kœdœ azu á endje wuta lœ egerœ œrœ kanga.
Endje djutœ rœbe nœ endje dœ indji aya Patanœ
yeka á wuta tœ imbinœ urrr. ¹⁵ Mbœrœ tœnœ dœ
endje sœ kœka ba utshu ngande tshagbozu nœ Nd-
jaba, yeka á sœ kœmbœrcœ akwa fœ she butshœ dœ
ɔlœ ba lœ anda Tepelo nœ ye. Yé tsheneke á tshe sœ
ga pa ngande tshagbozunœ nœ Ndjaba asœmœ,

tshe gbø bala ndœ endje. ¹⁶ Ogo kœzirœ dœ pe ogo ungu œ kpa mi endje nene, ɔlø œdœ katshancœ œ sho endje nene. ¹⁷ Gbambanœ nene, aya Patanœ á tshe sœ ba uguru ngande tshagbozuncœ asœmœ œ doe bala ayi kœgbøndœ ayarœ, tshe to bala endje na tœnœ ga tœ kumu ungu nœ sorø. Yé, Ndjaba œ turu bala ngola kœ lœ ala endje.»

8

Aya Pata 'i amende nœ mindu dœ bisha

¹ Løkœ á aya Patanœ 'i amende nœ mindu dœ bisha, osho yi taa 6a lafo ga pa œrœ nœ miniti zazu bale dœ ndjokpa (30). ² Yé mœ wu aandjelu mindu doe bisha á endje ka utshu Ndjaba, endje ko luba mindu dœ bisha fœ endje.

³ Anga angbi andjelu bale na œ sœ ga ati ndoo doe ndaba. Tshe za lima asasware á endje mbœrœ dœ œrœ, yé endje ko zuwa yombo ndjoro fœ she mbœrœ kœza tœnœ dœ avwala nœ azu kœ á endje sœ yerœ, ba pa ndaba á endje mbœrœ dœ œrœ yé á sœ ba utshu ngande tshagbozu. ⁴ Ngawo zuwa yombonœ to tshakane andjelu, yeka á sœ kœœ awa bale dœ avwala nœ azu nœ Ndjaba 6a utshu Ndjaba. ⁵ Manda nœ, andjelu za asasware, œ ko jiwo tshapa ndaba dœ tœnœ kperœ yé á za vwi ga ati ga pa ɔshœ. Ngbewo yavuru so, œsœ tshama ki, yavuru yerœwa yé ɔshœ turu.

Luba vana

⁶ Aandjelu mindu dœ bisha á endje ko lima lubancœ mindu dœ bisha asœmœ guma lima tœ endje kœuru tœnœ.

⁷ Ali andjelu uru luba nœ ye, ngbewo aledjezœ œdœ owo á djanga tœ endje dœ indji, yo lima ga pa ɔshœ. Owo tshitœ tshakala tshapa ɔshœ bale lœ votœ, yé œ tshi ndje tœ tshakala ɔyœ bale lœ votœ dœ pe ngbœyu gusu para kœkœ.

⁸ Bisha andjelu uru luba nœ ye, yé anga œrœ á sœ bata egerœ kaga owo, na œ te ga la egerœ ungu. Tshakala egerœ ungunœ bale lœ votœ fa lima indji.

⁹ Tshakala œrœ kœ bale lœ votœ nœ œrœ kœ á sœ doe soro, á sœ ba la egerœ ungu, tshu lima yé anga tshakala ogboro agba bale lœ votœ ndi lima.

¹⁰ Votœ andjelu uru luba nœ ye, yé anga egerœ angerepe á sœ koetshi tœnœ bata tœrshe to ba lafo, œ te ga la tshakala egerœ ungu bale lœ votœ œdœ ga pa kumungu. ¹¹ F'iri angerepenœ asœmœ kœdœ «Ushu œrœ». Tshakala ungu bale lœ votœ wuta lima tœ ushuncœ yé azu ndjoro tshu lima mbœrœ kœndjo ushu ungunœ asœmœ.

¹² Vana andjelu uru luba nœ ye, yé tshakala ɔlœ doe œnœ yapu œdœ pe œnœ angerepe bale lœ votœ bu kporokoto. Lœ tshakala olo doe œnœ butshœ bale lœ votœ, ɔlœ tœtœ nene.

¹³ Yé mœ mesho, œ wu anga divumbala á tshe sœ kœru ba lawutsha yé á sœ kœki dœ ɔgbœ adœke: «Oyo! Oyo! Oyo azu tshapa ɔshœ lkœ á anga aandjelunœ votœ œ kpa uru luba nœ endje!»

9

¹ Mindu andjelu uru luba nœ ye, mœ wu anga angerepe bale á to ba lafo á te lima ga pa ɔshœ. Endje za herela kœkœrœ dœ ama divwili kudu fœ she. ² Angerepenœ kœrœ ama divwili kudunœ, ngawo wuta lœ nœ bata ngawo tshelœ egerœ

furu. Yé ɔlɔ dœ pe tshalafo bu shoshosho mbœrœ ngawo á wuta lœ kudunœ asœmœ. ³ Akwakwa wuta lœ ngawonœ asœmœ, yé œ za tshapa ɔshœ. Endje za tshagbozu fœ akwakwanœ asœmœ bata tshagbozu nœ akpalakongo. ⁴ Endje za o'o fœ endje adœke endje ndindi gusu nene, œ ndindi ɔyo nene, œ ndindi kako dœngœ nene, kashe endje mbœrœ œrœ oyo kolœ fœ azu á endje dudu tshapala endje dœ œrœ kœdu dœ tshapala nœ Ndjaba nene asœmœ. ⁵ Endje zaza lima awa fœ akwakwanœ adœke endje wo azunœ nene, kashe adœke endje mbœrœ œrœ oyo fœ endje manda yapu mindu. Ærœ oyonœ á endje sœ kœmbœrœ ga tœ azunœ asœmœ sœ lima bata œrœ oyo neke á uzu œ wu œdœ kpälakongo kœtœ she. ⁶ Lœ olonœ asœmœ, azu œ para kuzu kashe endje gbœ nene, endje yindœ nœ adœke œne tshu kashe kuzu œ kpa tœ endje ye.

⁷ Akwakwanœ sœ lima bata ambarata á endje guma endje mbœrœ kœtœ kowo. Ærœ sœ ɓa pa kumu endje bata kpoto tshagbozu á endje mbœrœ dœ ɔrœ, yé tshatshu endje sœ bata tshatshu azu. ⁸ Sukumu endje sœ lima bata sukumu ayashe, yé iji endje sœ lima bata œnœ abamara. ⁹ Akwakwancœ verœ lima lœba waya ga tœ okoro endje bata œnce aturugu, yé œsœ mambo endje sœ lima kœki tœnœ bata œsœ ukpulu share á ambarata ndjoro sœ kœgbota tœnœ na tœnœ ndœ kœtœ kowo. ¹⁰ Akwakwancœ sœ lima dœ damba á amancœ sœ ndja ndja bata œnœ akpalakongo. Endje za lima tshagbozu ga lœ damba endje adœke œ mbœrœ œrœ oyo fœ azu manda yapu mindu. ¹¹ Gbozugo tshapa endje kœdœ andjelu nœ divwili

kudu á i'iri ye dœ o'o ama ogo Ebre kœdœ «Abado», yé dœ o'o ama Greke kœdœ «Apolio». Ádá i'irinœ asœmœ kœdœ «Ayi kœndirœ».

¹² Ali oyo ro ye, manda nœ, anga oyo bisha kpa li kœwuta tœnœ.

¹³ Andjelu nœ mindu dœ bale uru luba nœ ye, yé mœ dji tshama œrœ kœto ba tœ panga ndaba vavana á endje mbœrœ dœ œroœ, á sœ ba utshu Ndjabo. ¹⁴ Tshamanœ sœ lima kœpa o'o fœ andjelu nœ mindu dœ bale á tshe za luba adœke: «Katœ aandjelunœ vana á endje i endje ga tœnœ doe djingiri ndoo dœ egerœ ungu Efrate asœmœ ye.» ¹⁵ Endje ka lima tœ aandjelunœ vana asœmœ ye. Gbambanœ nene, endje guma lima endje kœkate ada ɔlœ, olo, yapu œdœ nbugunœ á li lima adœke endje wo tshakala azu bale lœ votœ pa ɔshœ. ¹⁶ Endje yi lima sœ kœngba aturugunœ á endje ɔ ga pa ambaratancœ fœ mœ, endje sœ lima miliyo kama bisha (200.000.000).

¹⁷ Yé mœ wu ambarata œdœ aturugu nœ endje á endje ɔ ga pa endje lœ ulu, endje verœ lima odoro lœba waya á sœ bata owo ga tœ okoro endje, dœ ubunœ shoshosho bata badja safire œdœ dœ wolance bata wola zuwa á ju osho. Kumu ambaratancœ sœ lima bata kumu abamara, yé owo sœ lima kœwuta lœ ama endje, dœ ngawo œdœ pe wola zuwa á ju osho. ¹⁸ Ogboro œrœ oyonœ votœ á sœ lima kœwuta lœ ama ambaratancœ asœmœ: owo, ngawo dœ pe wola zuwa á ju osho, wo anga tshakala azu bale lœ votœ. ¹⁹ Gbambanœ nene, tshagbozu nœ ambarata sœ ba lœ ama endje dœ pe lœ damba endje. Dœ tœnœ ataa, damba endje

sœ 6ata ayakoro; endje sœ dœ kumu á endje sœ kœmbœrœ œrœ oyo dœ tœnœ fœ azu.

²⁰ Tœ udu azu á endje she lœ egerœ œrœ oyonœ asœmœ, endje kakatœ kœdonga andjaba á endje mbœrœ dœ kane endje nene. Endje sœpe lima kolœ kœdonga aekpe iširi œdœ iširi œrœ á endje mbœrœ dœ œrœ too dœ kowo, dœ waya á endje yi ga ta wo yekane á ye kotencœ, dœ badja too dœ œyo á lili kœwu œrœ bale nene, á lili kœdji o'o bale nene, á lili ndje kœna ana bale nene. ²¹ Endje kaka lima tœ kœwo azu, kœsœ dœ rawo, kœmbœrœ angba budu œdœ kœzi angba noe endje ti nene.

10

Andjelu œdœ aya buku

¹ Mœ wu anga angbi andjelu á tshe sœ dœ gbœgbœ waa kœto ba lafo á sœ kœjerœ tœnœ. Tshe vwele lima tœ ye dœ ondoro yé avwenge sœ dji kumu ye. Tshatshu ye tshi lima bata olœ yé ada ye sœ lima bata uwu owo. ² Tshe sœ lima dœ aya buku á endje kœrœ, tshakane ye. Tshe to ada ye œnœ kuni ga pa egerœ ungu, œ to œnœ gele ga pa ɔshœ, ³ yé œ ta rawa dœ ɔgbœ bata kœngá bamara. Manda kœta rawa, tshama kœsœ yavuru mindu dœ bisha wu. ⁴ Yé lœkœ á tshama kœsœ yavurunœ mindu dœ bisha wu, bata á mœ yindœ kœsu œrœnœ kœga la mbeti, kashe mœ dji tshama uzu ba lafo kœza o'o fœ mœ adœke: «Gbœndœ o'o noe kœsœ yavurunœ mindu dœ bisha ga lœsu zœ, yé susu ga la mbeti nene.»

⁵ Á andjelu á mœ wu lima she kœka ga lafo ba pa egerœ ungu dœ pe pa ɔshœ asœmœ, ti kane ye œnœ kuni ye ga lafo, ⁶ yé œ dara œrœ dœ i'iri

Ndjaba á tshe sœ dœ sorø nœ waa dœ waa, œshe á tshe mbœrœ tshalafo, tshapashœ, egerœ ungu œdœ œrœ kœ á sœ lœnœ. Andjelunœ pa lima adœke: «Œ sœsœ dœ olo nene! ⁷ Kashe dœ lœkœ á andjelu nœ mindu dœ bisha œ uru luba nœ ye, Ndjaba œ mbœrœ œrœ á tshe za yiwa tœnœ, tshe mbœrœ bata á tshe pa lima ndœ nœ fœ aayi akwa nœ ye á endje dœ aayi kœgbara o'o.»

⁸ Yé tshamanœ á mœ dji lima kœto 6a lafo kpa kœpa fœ mœ adœke: «Na, œ za aya bukunœ á endje kœrœ tshakane andjelunœ á tshe ka ga pa egerœ ungu œdœ ga pa œshœ asœmœ.»

⁹ Mœ na ndoo dœ andjelu, yé œ ki fœ she adœke tshe za aya bukunœ fœ mœ. Tshe gi fœ mœ adœke: «Za, œ zi œtœnœ. Œ sœ tœ ushunœ 6a lœ zœ, kashe œ sœ jorojoro 6a lœ ama zœ bata ojoro awaterœ.»

¹⁰ Mœ za lima aya bukunœ tshakane andjelu, yé œ zi. Œ sœ lima 6a lœ ama mœ jorojoro bata ojoro awaterœ, kashe lœkœ á mœ merœ, œ wuta tœ ushunœ 6a lœ mœ.

¹¹ Manda nœ, endje pa fœ mœ adœke: «Œ li dœ 6œ kpa kœgbara o'o dœ i'irœ Ndjaba dœ upu nœ azu ogo ndjoro, dœ upu nœ ogo ndjoro, dœ upu nœ ama ogo ndjoro œdœ dœ upu nœ agbozugo ndjoro.»

11

Atimu bisha

¹ Manda nœ, endje za wara á sœ bata tshœngbœlœ á endje di dœ œrcœ ndœ kœwu kœgunœ fœ mœ, yé œ pa fœ mœ adœke: «Aafo, œ na kœdi kœgu Tepelo nœ Ndjaba œdœ pe ndaba. Di ndje azu á endje sœ kœdonga Ndjaba lœ Tepelonœ. ² Kashe katœ

tshelœ gbagba utshu Tepelonœ ti, didi kœgunœ nene. Gbambanœ nene, endje za lima ti fœ angbi azu á endje zuru bala œyerœ ongbo manda yapu zazu bisha dœ bisha (42). ³ Mœ vwa atimu nœ mœ bisha dœ lœba pili tœ endje ndœ kœgbara o'o manda olo kutu bale dœ kama bisha dœ zazu votø (1.260).»

⁴ Atimunœ asœmœ kœdœ ɔyœ olive bisha œdœ œrœ bisha á endje ko tala ga panoœ á sœ kpœ utshu Gbozu tshapa ɔshœ. ⁵ Edœ anga uzu kœpara awa kœmbœrœ ekperœ ga tœ endje, owo sœ kœwutalœ ama endje yé œ sœ kœwo ayingba endje. Adjapu, œdœ uzu á tshe kœgbe kœmbœrœ ekperœ ga tœ endje, tshe tshu mara kuzuncœ asœke. ⁶ Endje sœ dœ tshagbozu nœ kœkundœ tshalafo adœke yavuru nini dœ olo nœ kœyisœ o'o ama Ndjabœ nene. Endje sœ ndje dœ tshagbozu nœ kœmbœrœ adœke ungu fa indji. Endje kpa sœ dœ tshagbozu ndje adœke endje mbœrcœ ogborœ ekperœ kpalak-pala ga pa ɔshœ bata á endje yindœ nœ.

⁷ Kashe dœ lœkœ á endje kœmindœ o'o nœ Ndjabœ fœ azu á ka, agea á tshe sœ kœwuta lœ diwwili kudu œ tetœ kœtœ kowo dœ endje, tshe ropa endje dœ gbœgbœ yé œ wo endje. ⁸ Oko endje œ sœpe tœ osho lœ egerœ ongbo, tœ osho á endje kuru lima Gbozu nœ endje 6a pa kurushi tœnœ. Endje e i'iri ongbonœ asœmœ lœ kœgbara o'o adœke Sodomo too Ezipito. ⁹ Azu ogo kœ, lœ mara kœ, lœ o'o ama ogo kœ œdœ lœ ogo kœ, endje na kœwu oko endje manda olo votø dœ ngandinœ, yé endje yindœ nœ adœke endje shi endje nene. ¹⁰ Azu tshapa ɔshœ œ sœ dœ yanga tœ upu nœ kuzu endje, endje sœ dœ yanga yé œ yapa gado ugurutœ endje. Gbambanœ nene,

aayi kœgbara o'onœ asœmœ bisha ndanga lima kuma azu kœrosœ noe.

¹¹ Kashe manda olo votœ dœ ngandince asœmœ, izi noe soro á to 6a ndœ Ndjaba, li ga lœ endje yé endje alafo. Ataa, egerœ awa za lima endjeneke á endje sœ lima kœwu endje asœmœ. ¹² Aayi kœgbara o'once bisha asœmœ dji ɔgbœ tshama uzu 6a lafo kœpa fœ endje adœke: «'E œ ga moe!» Endje œ ga lafo lœ ondoro tœ ala ayingba endje. ¹³ Pe kpœtœ œœnœ, ɔshœ turu dœ ɔgbœ, ndjokpa tshakala ongbo kavwa. Azu kutu mindu dœ bisha (7.000) tshu mbœrœ ɔshœnœ á turu asœmœ. Awa litœ udu azu á endje sœ lima pe dœ soro, yé endje za mokœ fœ Ndjaba 6a lafo.

¹⁴ Bisha egerœ oyo ro ye, kashe œœnœ votœnœ œ na lœ ondonce.

Luba noe mindu dœ bisha

¹⁵ Andjelu noe mindu dœ bisha uru luba noe ye, tshama wu 6a lafo dœ ɔgbœ adœke: «Akwa tshagbozu noe tshapashœ sœ ngœngœ asœke tshakane Gbozu noe azœ œœdœ Masiya noe ye, tshe mbœrœ akwa tshagbozunœ asœmœ waa dœ waa.» ¹⁶ Agbœ agbozu zazu bale dœ vana (24) á endje sœ pa ngande tshagbozu noe endje utshu Ndjaba, tara kumu endje ga ati, yé œ donga Ndjaba ¹⁷ dœ kœpa adœke:

«Gbozu Ndjaba á 6œ sœ dœ gbœgbœ kœ,
œœbœ á 6œ sœ zœ, yé á sœ lima,
'a donga 6œ mbœrœ á 6œ mbœrœ akwa dœ egerœ
gbœgbœ noe zœ
yé á gi akwa tshagbozu noe zœ.
¹⁸ Ogo kœ oma dœ ókó,
kashe ngœngœ asœ, ókó noe zœ dá sœ kœmatœ ye.

Tœnœ kœdœolo kœwa nganga nœ akuzu,
 tœnœ kœdœolo kœgbœ œrœtshangba akwa nœ
 aayi akwa nœ zœ á endje dœ aayi kœgbara
 o'o,
 œdœazu neke kœ á endje dœ endje nœ zœ á sœ
 kœkpawa awazœ, agbozu too agbolo,
 tœnœ kœdœolo kœwo azu para á endje sœ kœndi
 tshapa oshœ.»

¹⁹ Yé manda Tepelo nœ Ndjaba á sœ 6a lafo kœrœ,
 sanduku nœ ayo wuta lœ nœ. Yavuru yerœwa,
 ingiri tshama wu, yavuru so, oshœ turu yé ogboro
 aledjezœ yo.

12

Yashe œdœdalagona

¹ Egerœ ambárá œrœwuta 6a lafo: anga yashe
 ka yé olœ kpa dji she 6ata lœba, tshe to ada ye
 ga pa yapu, œverœ kpoto tshagbozu á angerepe
 ndjokpa dœ bisha sœ tœnœga tœ kumu ye. ²Tshe
 sœ lima dœnguzu yé œtetœkœki dœ ɔgbœ dœ
 kœba kœzunœ.

³ Anga angbi ambárá kpa wuta 6a lafo: œtœnœ
 kœdœlima odoro zamiti dalagona*, kashe tshe sœ
 lima dœkumu mindu dœbisha pa ye dœpe idœ
 ndjokpa yé tshe verœkpoto tshagbozu ga tœ idœye
 balebale asœmœpara kœkœ. ⁴Tshe sœlimakœngbœ
 tshakala angerepe balelœ votœ 6a lafo dœdamba
 ye, yé á sœkœko va ga tœ oshœ. Tsheka lima ga
 utshuyashenœ áliadœke tshe zu asœmœmbœrœ
 kœzi gbolonœlœkœ átshekœzu she. ⁵Yashenœ

* **12.3** 12.3 Dalagona kœdœzamiti anga agea á tshe sœ 6ata
 adjukuma, áendje sœkœ'e ndje she yakoro too djaboro 6ala buku
 nœ Ndjaba

asœmœ zu gbolo yakoshe. Œshe dá gbo bala ndœ azu ogo para kôkâ dœ ɔgbonœ. Kashe Ndjaba za gbolonœ gu tœnœ ga lafo ga ïndiri ye œdœ ga ïndiri ngande tshagbozu nœ ye. ⁶ Yé yashenœ asœmœ kpa ga lœ kpagagasho, ba tœ osho á Ndjaba guma lima fœ she mbœrœ adœke endje to kœzirœ fœ she manda olo kutu bale dœ kama bisha dœ zazu votœ (1.260).

⁷ Koshe wuta ba lafo: Mikayele dœ aandjelu nœ ye tetœ kœnga koshe dœ dalagona. Yé dalagonanœ dœ aandjelu nœ ye te ndje tœ kœnga koshe dœ endje. ⁸ Kashe, endje ro lima pa dalagonanœ doe gbøgbø yé osho kpa gugu lima fœ she dœ pe aandjelu nœ ye ba lafo nene. ⁹ Endje gørœ lima zamitî dalagonanœ ga ushu, œshe kœdœ lima ong-boro yakoro á endje e i'iri ye adœke djaboro too Satana, ayi kœfara tshapashœ djigi. Endje za lima she vwi ga pa ɔshœ awa bale dœ aandjelu nœ ye.

¹⁰ Yé mœ dji tshama dœ ɔgbø ba lafo kœpa lima adœke: «Ngøngœ asœke, londœ kœshe li ye! Ngøngœ asœke, Ndjaba nœ azœ ma gbøgbø œdœ akwa tshagbozu nœ ye! Ngøngœ asœke, tshagbozu sœ ga tshakane Masiya nœ ye! Gbambancœ nene, ayi kœtœ meza pa aaya azœ, œshe á tshe sœ lima kœtœ meza pa endje butshœ dœ ɔlœ ba utshu Ndjaba nœ azœ, endje za she vwi'i ga ushu tœ tshalafo ye. ¹¹ Aaya azœ ro lima pa ye mbœrœ indji aya Pata œdœ ndje mbœrœ o'o ama Ndjaba á endje sœ lima kœma tœnœ; endje yi lima ndœ kœza soro endje ti, endje kpakpa lima awa kuzu nene. ¹² Mbœrœ tœnœ ataa, 'e sœ dœ yanga, tshalafo œdœ 'e kœ á 'e sœ ba zœ! Kashe egerœ oyo sœ mbœrœ tshapa ɔshœ œdœ mbœrœ egerœ ungu. Gbambancœ nene,

djaboro jerœ ga ndœ 'e dœ egerœ ókó, mbœrœ á tshe wusœ nœ adœke lœndœ nœ œne sœpe teasho.»

¹³ Lœkœ á dalagona wu adœke endje gœrœ œne œ za œne vwi ga pa œshœ, tshe tetœ kœza awa yashe á tshe zu lima gbolo yacoshe asœmœ. ¹⁴ Kashe endje ko ombo divumbala bisha fœ yashe asœmœ adœke tshe ru œrrr ga tœ osho á endje guma fœ she ba lœ kpagagasho mbœrœ kœto kœzirœ tœnœ fœ she manda ungu votœ dœ ngandinœ, lœ ingirinœ tœ yakoro. ¹⁵ Yé yakoro ndja ungu lœma ye bata kota manda yashenœ adœke lokonœ za awa ye yé œ nduru she. ¹⁶ Kashe œshœ gbœndœ yashenœ asœmœ, œ kœrœ ama ye yé kotancœ á dalagona ndja lœ ama ye asœmœ, yœrœngœ li tœnœ ga lœ nœ. ¹⁷ Dalagona sú dœ ókó ga tœ yashe asœmœ, œ na kœtœ kowo dœ údú agbolo nœ ye, endjeneke á endje sœpe kœlisœ awa o'o nœ Ndjabœ, á sœpe kœgbœndœ o'o á Yisu pa.

¹⁸ Manda nœ, dalagona na, œ ka ba tœ mangu egerœ ungu.

13

Agea bisha

¹ Manda nœ, mœ wu anga agea bale kœwuta la egerœ ungu. Tshe sœ lima dœ idœ ndjokpa dœ pe kumu mindu dœ bisha pa ye. Tshe verœ kpoto tshagbozu ga tœ idincœ yé endje sú f'iri á sœ kœgu œsœ Ndjabœ ga tœ kumu ye mindu dœ bisha asœmœ. ² Ageance á mœ wu she sœ lima bata muru, ada ye sœ lima bata œnœ avwœ yé ama ye bata ama bamara. Dalagona ko gbœgbœ, ngande tshagbozu dœ pe egerœ tshagbozu fœ she. ³ Anga

kumu ye bale sœ lima dœ uku á yindœ kœwo she, kashe uku kœwo osho nœ ye asœmœ yu ye. Azu pa ɔsho djigi ka lima tœ ama endje ti ɔsø yé œ tetœ kœna manda ageanœ asœmœ. ⁴ Endje donga dalagona mbœrœ á tshe za lima tshagbozu fœ ageance. Endje para donga lima ageanœ dœ kœpa adœke: «Ede dá li dœ ageance asœ a? Ede dá li tœ kœnga koshe dœ she a?»

⁵ Endje za lima awa fœ ageanœ adœke tshe pa o'o nœ egerœ kumu œdœ œnce kœgu œsœ Ndjaba. Tshe gbœ lima tshagbozu nœ kœmbœrœ œrœ ataa manda yapu zazu bisha dœ bisha (42). ⁶ Tshe te lima tœ kœgu œsœ Ndjaba mbœrœ kœgu œsœ i'iri ye œdœ osho á tshe sœ kœsœ tœnœ, dœ pe azu neke kœ á endje sœ 6a lafo. ⁷ Endje za lima awa fœ she adœke tshe tœ kowo dœ azu nœ Ndjaba yé œ ropa endje dœ gbœgbœ kœ. Endje za lima tshagbozu fœ she kœsœ pa mara kœ, pa azu kœ, pa ama ogo œdœ pe pa ogo kœ. ⁸ Azu para pa ɔsho œ donga she, œ yindœ kœpa adœke endjeneke kœ á endje súsú i'iri endje ga la buku nœ soro nene kœto tœ kœmbœrœ tshapashœ asœmœ. Bukuncœ kœdœ œnœ aya Pata á endje wo lima she.

⁹ «Uzu á tshe sœ dœ utu, dji dœ ɔtshœnœ! ¹⁰ Uzu á endje kœke she kœsœ ayi kângä, tshe li bala kângä. Uzu á endje kœke she kœtshu kuzu ingiri yakamba, endje wo she bala dœ ingiri yakamba. Mbœrœ tœnœ ataa, œ li adœke azu nœ Ndjaba sœ dœ ugu lœsu œdœ pe dœ kœyindœrœ.»

¹¹ Manda nœ, mœ wu angbi agea kœwuta lœ ɔsho. Tshe sœ lima dœ idi bisha 6ata œnœ aya pata, yé œ sœ lima kœpa o'o 6ata dalagona. ¹² Tshe sœ lima kœmbœrœ akwa tshagbozu kœ nœ

ali ageanœ 6a utshu ye. Tshe sœ lima kœshosho azu para pa ɔshœ adœke endje donga ali agea á uku kœwo osho nœ ye yu lima. ¹³ Bisha ageanœ asœmœ mbœrœ lima egerœ afá. Tshe sœ ndje lima kœmbœrœ adœke owo to 6a lafo œ jerœ ngarrr doe ala azu para ga pa ɔshœ. ¹⁴ Tshe sœ kœfara azu tshapa ɔshœ lœ awa nœ afá á tshe li lima kœmbœrœ tœnœ, 6a utshu ali ageanœ asœmœ. Tshe sœ kœvwa endje ndœ kœmbœrœ iširœ cerœ á kœlisœ ageanœ á endje to lima uku tœ ye dœ iŋgirœ yakamba, yé á tshe kpa kwa lima tœ ye ga lœ soro asœmœ. ¹⁵ Manda nœ, bisha ageance gbo tshagbozu ndœ kœto uvuru ga lœ iširœ ali ageanœ asœmœ adœke œ tetœ kœpa o'o, yé œ wo azu para á endje vwara tœ endje kœdonga iširœ ageanœ asœmœ. ¹⁶ Ageanœ asœmœ sœ lima kœshosho azu para ndœ kœwa ati ga tœ kane kuni too ga tshatshu endje: œdœ aaya azu dœ pe agboro azu, œdœ aayi kœgbœrœ dœ pe aayi oyo, œdœ azu á endje dœdœ akanga nene dœ pe akanga. ¹⁷ Uzu á tshe kœgugu lima dœ ndœla atinœ, dœ i'iri ageance too dœ kœdi ama œrœ nœ i'iri ageance tœ ye nene, tshe lili lima kœka œrœ too kœyœ œrœ nene.

¹⁸ Kpœtœ oshonœ asœ, œ li adœkeuzu sœ dœ kœwusœtœ. Uzu á tshe sœ dœ kœwusœrœ, li kœwusœ ádá kœdi ama œrœ nœ agea ye. Gbam-banœ nene, kœdi ama œrœnœ asœmœ sœ kœma i'iriuzu. Kœdi ama œrœnœ kœdœ kama mindu dœ bale dœ zazu votœ dœ mindu dœ bale (666).

14

Aya Pata œdœ azu á Ndjaba yœ endje lœ ekperœ

¹ Mœ kpa mesho œ wu aya Pata á tshe ka 6a pa kaga Siyona awa bale dœ azu kutu kama zazu bisha dœ vana (144.000). Endje su lima i'iri aya Patance dœ i'iri Abanœ ga pala endje. ² Mœ dji lima tshama bale kœto 6a lafo á sœ kœwu tœnœ 6ata tshama egerœ udjuru œdœ 6ata tshama ɔgbœ kœsœ yavuru. Tshamancœ á mœ sœ lima kœdji tœnœ sœ 6ata tshama kundi lœndœ á aayi kœnœ kundi sœ kœnœ tœnœ. ³ Azunœ ndjoro asœmœ sœ lima kœbi tafo itshi 6a utshu ngande tshagbozu, 6a utshu œrœ vana á sœ dœ soro œdœ pe 6a utshu agbozu Ikrizia. Yéuzu bale lili lima kœyamba itshinœ asœmœ nene, kolœ azu kutu kama zazu bisha dœ vana (144.000), azu á Ndjaba yœ endje lœ ekperœ pa ɔshœ.

⁴ Azunœ asœmœ djadja lima tœ endje dœ ayashe nene, endje gbœndœ tœ endje kœleœ. Endje sœ kœna manda aya Pata tœ osho kœ á tshe sœ kœna tœnœ. Endje yœ lima endje lœ ekperœ ugrutœ azu mbœrcœ kœto endje tœ tokóró tœ azu nœ tshatshunœ fœ Ndjaba œdœ fœ aya Pata. ⁵ Wala wuwuta lœ ama endje bale nene, endje gugu dœ ekperœ nene.

Aandjelu votœ

⁶ Manda nœ, mœ kpa wu anga angbi andjelu, á tshe sœ kœru 6a lawutsha. Tshe sœ lima dœ ɔtshœ O'o á ka nene ndœ kœmœndœ nœ fœ azu tshapa ɔshœ, dœ azu lœ ogo kœ, dœ mara kœ, dœ o'o ama ogo kœ dœ pe dœ azu ogo kœ. ⁷ Tshe sœ lima kœpa o'o dœ ɔgbœ tshama adœke: «'E kpa awa Ndjaba, yé œ gi mokœ fœ she! Gbambanœ nene, olo kœwa ngbanga nœ ye pa azu li ye. 'E donga tsheneke á

tshe mbœrœ tshalafo, dœ tshaati, dœ egerœ ungu
œdœ dœ kumu ungu kɔ!»

8 Bisha andjelu wuta manda tsheneke utshunœ
asœmœ yé œ pa adœke: «Egerœ tshalakpi Babilone
ndi, œ ndi ye! Œ mbœrœ adœke azu tshelœ angbi
ogo kɔ ndjo ipi yavuru angba budu nœ ye.»

9 Votœ andjelu wuta manda tshenœ bishanœ
asœmœ yé œ pa o'o dœ ɔgbœ tshama adœke: «Uzu
kɔ á tshe donga agea œdœ pe iširɪ ye, yé á endje
wa ati ga pala too ga pa kane ye, **10** œshe dœ toe
ye, tshe ndjo ndje ipi yavuru ókó nœ Ndjaba á
endje djadjanga nene, á fa ga lœ yashi ókó nœ ye
asœmœ. Tshe za djofele fœ endje bala wola zuwa
á ju osho, ba utshu aandjelu á endje sœ yerœ œdœ
ba utshu aya Pata. **11** Ngawo owo kœndanga osho
nœ endje œ ɔ ga lafo waa dœ waa. Endjenœke á
endje sœ kœdonga ageancœ dœ pe iširɪ ye, yé azu
neke á endje wa ati dœ i'iri ageancœ asœmœ ga toe
endje, ɔlœ dœ butshœ endje yatœ endje nene.»

12 Mbœrœ tœnœ ataa, œ li adœke endje á endje
dœ azu nœ Ndjaba, azu á endje sœ kœmbœrœtœ
endje lindœ awa o'o nœ Ndjaba yé á sœ dœ
kœyindœrœ djigi ga ndœ Yisu, sœ dœ ugu lœsu.

13 Manda nœ, mœ dji tshama kœto ba lafo kœpa
lima adœke: «Su œneke: "Yanga nœ azu á endje sœ
kœtshu kœto ngœngœnœ asœ lœ kœmboerœ akwa
fœ Gbozu." "Œ, ḥtshœ Ishirɪ pa adœke: yanga nœ
endje, endje yatœ endje manda ɔgbœ akwa nœ
endje. Gbambanœ nene, ḥtshœrœ á endje mbœrœ,
sœ kœza awa endje."»

Kœkœ ngwarœ tshapa ɔshœ

¹⁴ Mœ kpa mesho œ wu imbi ondoro, yé ɓa pa ondoronœ asœmœ, œrœ sœ pancœ ɓata uzu. Tshe verœ lima kpoto tshagbozu á endje mbœrœ dœ ɔrœ ga tœ kumu ye yé œ za ingle yakamba á luulu, á amanœ ki waa, ga tshakane ye. ¹⁵ Anga angbi andjelu wuta lœ Tepelo yé œ ta rawa dœ ɔgbœ tshama fœ uzu á tshe sœ pa ondoronœ adœke: «Za ingle yakamba nœ zœ á luulu asœmœ dœ œ wa dœ ngwarœ. Gbambanœ nene, lœndœ nœ kœwa mgwarœ li ye, ngwarœ pa ɔshœ gbœ ye.» ¹⁶ Ataa, uzunce á tshe sœ lima ɓa pa ondoronœ vwi ingle yakamba nœ ye á luulu asœmœ ga pa ɔshœ, yé á wa ngwarœ pa ɔshœ.

¹⁷ Manda nœ, anga angbi andjelu á tshe to lima lœ Tepelo á sœ ɓa lafo wuta. Tshe sœ lima ndje dœ ingle yakamba á luulu á amanœ ki waa tshakane ye.

¹⁸ Anga angbi andjelu kpa to ɓa pa ndaba œ wuta. Tshe sœ lima dœ tshagbozu ga pa owo yé œ ta lima rawa dœ ɔgbœ tshama fœ tsheneke á tshe za lima ingle yakamba á luulu á amanœ ki waa asœmœ adœke: «Za ingle yakamba nœ zœ á luulu á amanœ ki waa yé œ wa ganea ɔyœ vinu pa ɔshœ; gbambanœ nene, elenœ gbœ ye.» ¹⁹ Andjelu vwi lima ingle yakamba nœ ye á luulu asœmœ ga pa ɔshœ, œ wa dœ kumu vinu ga tœ ɔshœ yé á ko va ga lœ egerœ ngarambo nœ ókó nœ Ndjaba. ²⁰ Endje pu lima tshelœ ele vinunœ lœ ngarambo ɓa ushu tœ ongbo, yé goma indji dá sœ lima kœwuta tœnœ. Indjinœ ɔ lima ga lafo manda metere bale dœ ngandinœ yé œ tara tœ oshœ manda Kelometere kama votœ (300).

15

Aandjelu œdœ ndangba egerœ œrœ oyo

¹ Manda nœ, mœ wu anga angbi ambárá ɓa lafo, œ sœ tœ egerœnœ yé azu sœ kœkitœ œsœnœ. Etœnœ kœdœ aandjelu mindu dœ bisha á endje ko ndangba egerœ œrœ oyo mindu dœ bisha ga tshakane endje. Gbambanœ nene, ókó nœ Ndjaba œ ka lœ awa nœ ndangba œrœ oyonœ asœmœ.

² Manda nœ, mœ wu cerœ bata egerœ ungu á tshalanœ sœ ngbi, œ djanga tœ ye dœ owo. Mœ wu ndje azu á endje ro lima pa ageancœ asœmœ kœ, œdœ pa iširi ye œdœ pa kœdi ama cerœ á li dœ i'irœ ye, azunce ka lima ɓa pa egerœ ungu á sœ ngbi. Kundi á Ndjaba ko fœ endje, sœ lima tshakane endje. ³ Endje sœ lima kœbi itshi nœ Moyize, ayi akwa nœ Ndjaba œdœ itshi nœ aya Pata adœke: «Gbozu Ndjaba á ɓœ sœ dœ gbøgbø kœ, akwa nœ zœ sœ tœ egerœnœ, yé azu sœ kœkitœ œsœnœ waa!

Gbozugo pa ogo ndjoro,
gbetshelœ nœ zœ sœ ndjii yé œ dœ adjapu.

⁴ Gbozu, azu para œ kpa awa zœ,
azu para œ na kœza moko fœ ɓœ.
Gbambanœ nene, œbœ kuti zœ dá sœ yerœ.
Ogo kœ œ na bala kœdonga ɓœ,
gbambanœ nene, œrœ á ɓœ sœ kœmbœrœ tœnœ
sœ ndjii yé œ matœ endje ngbiœ fœ endje
ye.»

⁵ Manda nœ, mœ wu Tepelo á anda tande nœ ayo nœ Ndjaba sœ lœnœ, œ kœrœ ɓa lafo.

⁶ Aandjeluncœ mindu dœ bisha á endje ko œrœ oyonœ mindu dœ bisha asœmœ wuta lœ Tepelonœ. Endje verœ lima imbi lœba urrr yé œ i uwu á endje

mbœrœ dœ ɔrœ ga tœ nguku endje. ⁷ Ugurutœ œrœnœ vana á sœ dœ soro asœmœ, anga bale ko yashi mindu dœ bisha á endje mbœrœ dœ ɔrœ fœ aandjeluncœ mindu dœ bisha. Yashinœ sú dœ ókó nœ Ndjaba á tshe sœ dœ soro nœ waa dœ waa. ⁸ Tepelonœ sú lima dœ ngawo á dœ ambárá mokœ œdœ gbøgbø nœ Ndjaba. Ataa, uzu bale lili lima kœli ga lœ Tepelonœ nene utshunœ adœke œrœ oyonœ mindu dœ bisha á aandjeluncœ na dœ tœnœ, mbœrœtœ endje ye kane.

16

Yashi ókó nœ Ndjaba

¹ Manda nœ, mœ dji øgbø tshama kœto 6a lœ Tepelo á sœ lima kœpa fœ aandjelu mindu dœ bisha adœke: «'E ro œ za ókó nœ Ndjaba á sœ lœ yashi mindu dœ bisha asœmœ su'i ga pa øshø!»

² Andjelu nœ utshunœ na œ za œnœ ye ókó á sœ lœ yashi su'i ga pa øshø. Yé uku gbadja á ka osho waa wuta tœ kote azu á endje wa lima ati nœ agea ga tœ endje yé á sœ lima kœdonga ishiri ye.

³ Andjelu nœ bisha za œnœ ye ókó á sœ lœ yashi su'i ga la egerœ ungu. Ungu fa bata indji kuzu, yé œrœ kœ á sœ lima dœ soro la egerœ unguncœ tshu ye.

⁴ Andjelu nœ votœ za œnœ ye ókó á sœ lœ yashi su'i ga la kota dœ pe ga tœ kumu ungu, á fa indji. ⁵ Yé mœ dji tshama andjelu á tshe dœ gbozu tshapa ungu, kœpa adœke: «œbœ á bœ sœ yerœ, œbœ á bœ sœ zœ yé á sœ lima, bœ matœ zœ ndjii lœ kœwa nganga nœ zœ. ⁶ Gbambanœ nene, endje sú lima indji ayerœ azu nœ zœ œdœ œnœ

aayi kœgbara o'o, ga tœ osho. Yé ngɔngɔ asœ, bœ za indji fœ endje adœke endje ndjo. Endje gbo œneke á li dœ endje ye.» ⁷ Manda nœ, mœ dji tshama á to ba pa ndaba kœpa lima adœke: «Œ, Gbozu Ndjaba á bœ sœ dœ gbɔgbɔ kœ, bœ sœ kœwa ngbanga á sœ ndjii dœ pe adjapu.»

⁸ Andjelu nœ vana za œnœ ye ókó á sœ lœ yashi su'i ga pa ɔlo, yé ɔlo gbo tshagbozu kœsho azu dœ owo nœ ye. ⁹ Yé ndavuru kœwosho sho lima azu, endje gu lima œsœ i'iri Ndjaba á tshe sœ doe tshagbozu ga pa egerœ œrœ oyonœ. Kashe endje vwara lima tœ endje tœ kœfatshalœsu endje, mbœrœ kœza mokœ fœ she.

¹⁰ Andjelu nœ mindu za œnœ ye ókó á sœ lœ yashi su'i ga pa ngande tshagbozu nœ ageanœ, yé ogo tshagbozu nœ ye sœ lœ ubu osho. Azu sœ lima kœlo tima endje mangba djofelenœ. ¹¹ Endje sœ lima kœgu œsœ Ndjaba nœ tshalafo mangba djofele nœ endje dœ pe uku nœ endje. Kashe endje kaka lima tœ ekpe akwa nœ endje ti nene.

¹² Andjelu nœ mindu dœ bale (6) za œnœ ye ókó á sœ lœ yashi su'i ga pa egerœ kota á i'irinœ kœdœ Efrate. Ungunœ ɔrœ lima mbœrœ kœguma awa fœ agbozugo á endje sœ kœto ba tœ osho á ɔlo œ wuta tœnœ. ¹³ Manda nœ, mœ wu ekpe ishiri votœ bata azœrœngœ kœwuta lœ ama dalagona, lœ ama agea dœ pe ndje lœ ama ayi kœgbara o'o nœ wala. ¹⁴ Endje kœdœ ishiri nœ adjabro á endje sœ kœmbœrœ afá, yé á sœ kœna ba ndœ agbozugo tshapashœ djigi ndœ kœngbœba endje ndœ koshe nœ egerœ olo nœ Ndjaba á tshe sœ dœ gbɔgbɔ kœ.

¹⁵ Gbozu pa adœke: «'E dji kane, mœ sœ kœna bata ayi angba! Yanga nœ uzu á tshe lo nene yé á

gbɔndœ lœba nœ ye. Ataa, tshe na ana kpendonœ nene yé œ gbo tshula nene lœkœ á azu kœwu she.»

¹⁶ Aekpe išhirinœ ngbœba lima agbozugonœ ba tœ osho á i'irinœ dœ Ebre kœdœ Aramagedœ.

¹⁷ Andjelu nœ mindu dœ bisha za œnœ ye ókó á sœ lœ yashi su'i ga lœ yugu, yé ɔgbœ tshama to ba lœ Tepelo, ba tœ osho ngande tshagbozu, œ pa adœke: «Œ mbœrcœtœ ye ye!» ¹⁸ Yé yavuru yerœwa, ingiri tshama œdœ kœsœ yavuru wu, ɔshœ turu dœ ɔgbœ kœrosœ nœ. Œneke turu lima adja dœ ɔgbœ kœrosœ nœ dœ mara á tuturu ba lima dœ tœnœ nene kœto dœ lœkœ á Ndjaba mbœrœ uzu ga pa ɔshœ. ¹⁹ Egerœ ongbo kurutshelœtœ ye votœ, yé ongbo tshelœ ogo kœ ndi. Ndjaba djedjerœndœ egerœ ongbo Babilone nene. Tshe za yashi á su kperœ dœ ipi yavuru ókó nœ ye fœ ongbonœ asœmœ. ²⁰ Tshiki para yiwa ye, yé uzu bale wuwu kaga bale nene. ²¹ Ogoro aledjezœ á li waa to ba lafo œ yo ga pa azu. Azu gu lima œsœ Ndjaba mangba egerœ œrœ oyo nœ aledjezœnœ asœmœ. Gbambancœ nene, egerœ œrœ oyonœ asœmœ sœ lima tœ agbœnœ.

17

Egerœ ayi angba budu

¹ Manda nœ, anga andjelu bale ugurutœ endje mindu dœ bisha á endje ko lima yashi mindu dœ bisha asœmœ, na œ pa fœ mœ adœke: «Na ga mœ, mœ yi bala sœ mara á endje wa dœ ɔgbœ ngbanga ga pa egerœ ayi angba budu á tshe dœ egerœ ongbo á sœ tœ ama kota ndjoro, fœ 6œ.

² Agbozugo pa ɔshɔ mbœrœ angba budu dœ she, yé ipi angba budu nœ ye mbœrœ azu tshapa ɔshɔ.»

³ ḥtshɔ iširí na ga ndœ mœ, yé andjelu za mœ na tœnœ ga lœ kpagagasho. Mœ wu anga yashe bale á tshe sœ ga pa agea á tshe sœ dœ odoronœ tshee, á i'iri kœgu œsœ Ndjaba sœ lima tœ ye. Ageanœ asœmœ sœ lima dœ kumu ye mindu de bisha œdœ doe idí ndjokpa. ⁴ Yashenœ verœ lima ḥtshɔ lœba á sœ tœ odoronœ tshee, yé lenge á endje mbœrœ doe ɔrœ, badja á amanœ gbɔ waa œdœ pe akidji sœ lima tœnœ. Tshe za lima yashi ɔrœ á su kperœ dœ ekperœ uburu á to lœ angba budu nœ ye asœmœ, ga tshakane ye. ⁵ Endje su lima anga i'iri bale á ádánœ zatœ endje yiwa tœnœ ga pala ye adœke: «Egerœ ongbo Babilone, ayi aayi angba budu œdœ ayi kœyi ekperœ á za tshula ga pa tshapashɔ.» ⁶ Mœ wu lima adœke yashenœ asœmœ ndjo indji azu nœ Ndjaba yé á mbœrœ she, indji azu á endje wo lima endje mangba kœyindœrœ nœ endje djigi ga ndœ Yisu.

Kœwu she, mœ katœ ama mœ ti asœ. ⁷ Yé andjelunce pa fœ mœ adœke: «Mbœrœ gade á bœ za ama zœ ti ɔss a?» Mœ pandœ ádá o'o á zatœ endje yiwa tœnœ tœ upu nœ yashenœ asœmœ doe pe tœ upu nœ ageanœ á yashenœ sœ pa ye, ageanœ á tshe sœ dœ kumu ye mindu dœ bisha œdœ doe idí ndjokpa, fœ bœ. ⁸ Ageanœ á bœ wu she, sœ lima dœ soro, kashe ngɔngɔ asœke tshe kpa gugu doe soro nene. Tshe wuta bala lœ dœwili kudu yé endje wo she ye. Azu tshapashɔ á endje súsú i'iri endje ga la buku nœ soro nene kœto tœ kœmbœrœ tshapashɔ œ ka bala tœ ama endje ti ɔss tœ kœwu ageanœ asœmœ. Gbambancœ nene, ageanœ sœ

lima dœ soro, ngɔngɔnœ asœ tshe kpa gugu dœ tœnœ nene, kashe tshe kwa bala tœ ye zœ.

⁹ «Kpœtœ oshonœ asœ, œ li adœke azu sœ doe kœwusœrœ œdœ doe kœwusœtœ. Kumunœ mindu doe bisha asœmœ kœdœ kaga mindu dœ bisha á yashenœ sœ ga ati tœnœ. Etœnce kœdœ ndje agbozugo mindu dœ bisha. ¹⁰ Anga endje mindu ugurutœ tœ endje yo ye, tshence mindu dœ bale dá sœ kœmbœrœ akwa tshagbozu ngɔngɔnœ asœke, yé tshenœ mindu dœ bisha nana damba nene. Kashe lœkœ á tshe na bala, œndœ ye œ di nene. ¹¹ Ageancœ á tshe sœ lima dœ soro, á kpa gugu dœ tœnœ nene asœmœ, œshe dœ tœ ye kœdœ mindu dœ votœ gbozugo. Tshe sœ ndje ugurutœ agbozugo mindu dœ bisha yé tshe tshu ye.

¹² «Idinœ ndjokpa á bœ wu asœmœ kœdœ agbozugo ndjokpa á endje gbɔgbœ damba awa kœdœ agbozugo nene; kashe endje gbɔ tshagbozu ndœ kœmbœrœ akwa dœ ageancœ manda ada ɔlœ bale. ¹³ Endje ndjokpa para sœ dœ gbetshelœ bale adœke œne za gbɔgbœ œdœ tshagbozu nœ endje ga tœ kœmbœrœ akwa fœ ageancœ. ¹⁴ Endje tœ bala kowo dœ aya Pata yé tshe ropa endje dœ gbɔgbœ, mbœrœ œshe kœdœ Gbozu tshapa agbozu œdœ Gbozugo tshapa agbozugo. Tshe ropa endje dœ gbɔgbœ awa bale dœ azu á tshe e lima endje yé á ke endje, endjeneke á endje sœ dœ kœyindœrœ djigi ga ndœ ye.»

¹⁵ Andjelunœ kpa pa fœ mœ adœke: «Ungunœ á bœ wu ba tœ osho á ayi angba budu sœ tœnœ asœmœ, kœdœ azu ogo, ukpulu azu, ogo kœ œdœ pe ama ogo kœ. ¹⁶ Idi ndjokpa á bœ wu œdœ ageancœ asœmœ, œ yiayba ayi angba budunœ.

Endje ko œrœ tœ ye para yé œ katœ ye kpendronœ. Endje zi songba ye yé œ sho uduncœ dœ owo. ¹⁷ Gbambanœ nene, Ndjaba to gbetshelœ noe koembœrœ œneke á tshe yindœ noe ga tœ lœsu endje. Endje mbœrœ œrœ dœ gbetshelœ bale ndœ kœko tshagbozu noe Ogo gbozu noe endje ga tœ koembœrœ akwa fœ ageanœ asœmœ œerrr adœke o'o ama Ndjaba mbœrœtœ endje.

¹⁸ «Yé yashenœ á bœ wu she asœmœ, œshe kœdœ egerœ ongbo á sœ dœ tshagbozu ga pa agbozugo pa œshœ.»

18

Kœndi Babilone

¹ Manda noe, mœ wu anga angbi andjelu kœto ba lafo kœjerœ tœnœ. Tshe sœ lima dœ egerœ tshagbozu yé mokœ noe ye sœ lima kœtshi pa œshœ djigi. ² Tshe ta lima rawa dœ œgbœ adœke: «Egerœ ongbo Babilone ndi, œ ndi ye! Ngœngœ asœ, œ wuta osho kœsœ noe adjabro dœ œnœ tshelœ aka aekpe iširi kœ, œ wuta wutu noe tshelœ aka ayanu dœ agea kœ á endje sœ tœ ekpenœ yé á endje yiayga noe. ³ Gbambanœ nene, Babilone mbœrœ adœke azu tshelœ ogo kœ ndjo ipi yavuru angba budu noe ye. Agbozugo tshapa œshœ mbœrœ angba budu awa bale dœ she, yé aayi kœkarœ pa œshœ gbo œrœ ndjoro mangba angba budu noe ye á rosœ noe.»

⁴ Manda noe, mœ dji anga angbi tshama kœto ba lafo, á sœ lima kœpa adœke: «E'e kœdœ azu noe mœ, 'e wuta lœ ongbonœ asœ ye, mbœrœ á 'e kœtete koembœrœ ekperœ awa bale dœ she, yé á kœgbœ egerœ œrœ oyo á tshe gbo bala nene.

⁵ Gbambanœ nene, ekperœ noe ye tœ kulukulu

œrrr 6a lafo yé Ndjaba djedjerœndœ ekperœnœ á tshe mbœrœ asœmœ nene.⁶ 'E mbœrœ œrœ fœ she bata á tshe mbœrœ lima fœ anga azu, 'e gi tshangba œneke á tshe mbœrœ, awa bisha fœ she. 'E su ipi kperœ dœ yashi nœ ye, ipi á nga awa bisha kœropa œneke á tshe sœ lima kœsu fœ azu.⁷ 'E ndanga she awa ndjoro dœ pe dœ œrœ oyo á tshe fa tœ mokœ œdœ œrœ á ga waa asœmœ. Tshe sœ kœpa ba lœ ye dœ tœ ye adœke: "Mœ sœ ga pa ngande tshagbozu bata yashe gbozugo, mœ doédœ yashe koya nene yé mœ mbœrœ bala matanga bale nene."⁸ Wu ádánœ á ogboro oyo á sœ mboerœ she œ jeroe ga pa ye kolœ olo bale doemœ. Oyonœ dœke: koba kuzu, matanga œdœ egerœ ogo. Owo œ ju bala she. Gbambanœ nene, Gbozu Ndjaba á tshe wa ngbanga pa ye, sœ dœ gbøgbø.»

⁹ Agbozugo tshapa œshœnœ á endje mbœrœ lima angba budunœ dœ she awa bale yé á te lima manda kœgbœrœ nœ ye asœmœ, œ ki yé œ dítshelœma endje tœ upu nœ ye lœkœ á endje kœwu ngawo owo ongbonce á sœ kœju tœnœ.¹⁰ Endje ka bala zara kparawa djofele nœ ye, yé œ pa bala adœke: «Oyo! Oyo neketa dá! Uu Babilone, egerœ ongbo á sœ dœ gbøgbø! Ada œlœ bale lii adœke endje wa œgbœ ngbanga ga pa zœ ye!»

¹¹ Aayi kœkarœ pa œshœ sœ ndje tœ ki yé œ sœ kœditshelœma endje tœ upu nœ ye. Gbambanœ nene, uzu bale sœsœ kœyœ kongba nœ endje nene.

¹² Kongbanœ dœke: œrœ œdœ ngendja, badja á amanœ gbœ waa œdœ akidji, lœba á endje mbœrœ dœ usu agea, œtshœ odoro lœba á tshiitshi, lœba á i'irinœ kœdœ sowa œdœ tshelœ aka œyo kœ á kaaka,

tshelœ aka œrœ kœ á endje mbœrœ dœ iji mbala, ɔyo á amancœ gbœ waa, waya á endje yi ga ta wo yekane á ye kotenœ, yarakowo too badja á i'irinœ koedœ marbre, ¹³ kœtshu ɔyo á i'irinœ koedœ kanele œdœ anga œrœ kœfa dœ dœngœ, yombo, yombo á i'irinœ koedœ mirœ œdœ zuwa yombo, vinu, kada, zuwa œdœ ble, angombe œdœ apata, ambarata œdœ share, akanga œdœ aayi kângâ.

¹⁴ Endje sœ kœpa fœ ongbonœ asœmœ adœke: «Erœ kœ á bœ yi má ndœ noe dœ lœsu zœ, yiwatœ zœ ye. Kœgbœrœ noe zœ kœ œdœ œrœ noe zœ á ga lima waa, yiwatœ zœ yé endje kpa gbœ bala angancœ bale nene!» ¹⁵ Aayi kœkarœ á endje te lima aayi kœgbœrœ lœ awa noe kœkarœ noe endje lœ ongbonœ asœmœ, œ sœ zara kparawa djofele noe ye. Endje kœ yé œ dœtshelœma endje bala, ¹⁶ endje pa bala adœke: «Oyo! Oyo neketa dœ li ga lœ egerœ ongbonœ ataa! Ongbonœ verœ lœba á endje mbœrœ dœ usu agea, dœ ɔtshœ odoro lœba á tshiitshi, tshe verœ lenge á endje mbœrœ dœ œrœ, dœ badja á amancœ gbœ waa œdœ pe akidji. ¹⁷ Ada olœ bale lii lima adœke endje ndœ kœgbœrœnœ asœmœ para ye!»

Aayi kœkpa dœ ogboro agba dœ aayi ana, ndje dœ azu kœ á endje mbœrœ akwa la kota œdœ azu kœ á endje sœ kœgbœrœ mbœrœ egerœ ungu, endje ka lima zara, ¹⁸ yé œ sœ lima kœta rawa dœ kœwu ngawo owo á sœ kœju egerœ ongbonœ asœmœ adœke: «Anga ongbo á sœ ndje dœ egerœnœ bata œneke asœ gugu nene!» ¹⁹ Endje sœ lima kœgi trusha ga lœ kumu endje, œ sœ lima tœ iki, yé œ sœ kœditshelœma endje dœ kœtarawa adœke: «Oyo! Oyo neketa dœ sœ mbœrœ egerœ ongbonœ asœ

ataa! Azu á endje sœ dœ ogboro agba la egerœ ungu te lima aayi kœgbörœ mbörœ kœgbörœ nœ tshelœ ongbonœ ascœmœ. Yé ada ɔlɔ bale lii adœke endje ndi kœgbörœnœ ascœmœ para ye!»

20 Tshalafo, sœ dœ yanga mbörœ ongbonœ á ndi ascœmœ! 'E sœ dœ yanga, azu nœ Ndjaba, aayi avwa œdœ aayi kœgbara o'o! Gbambanœ nene, Ndjaba wa ngbanga ga pa egerœ ongbonœ mbörœ ekperœ á tshe mbörœ fœ 'e!

21 Yé anga andjelu á tshe sœ lima dœ gbɔgbɔ waa za badja á sœ ɓata egerœ tsheyɔ kafuru á endje tœ dœ tshelœ indji ble, vwi ga la egerœ ungu dœ kœpa adœke: «Kolœ dœ marancœ asœke dá endje ndi bala tshelœ egerœ ongbo Babilone dœ kakavwanœ, yéuzu bale œ kpa wu nene. **22** Endje kpa dji tshama aayi kœnœ kundi, dœ aayi kœbi itshi, dœ aayi kœ'uru ngbake, dœ aayi kœuru luba, ɓa ndœ zœ bale nene. Anga ayi ndawo œ kpa sœ ndœ zœ nene. Yé endje kpa dji œsœ egerœ tsheyɔ kafuru á endje tœ dœ tshelœ indji ble ɓa ndœ zœ bale nene. **23** Ishiri tala œ kpa tshi ɓa ndœ zœ bale nene. Endje kpa dji tshama avoro atotœ ɓa ndœ zœ bale nene. Gbambanœ nene, aayi kœkarœ nœ zœ kœdœ lima azu á œsœ endje li pa ɔshɔ. Yé ɓœ djingili tshelœ kumu azu kœ dœ tsharawo nœ zœ.»

24 Indji aayi kœgbara o'o, azu nœ Ndjaba œdœ endjeneke kœ á endje wo lima endje pa ɔshɔ, tu ɓa lœ Babilone.

19

1 Manda nœ, mœ dji ɔgbœ tshama ukpulu azu ndjoro kœpa ɓa lafo adœke: «Aleluya! 'E donga Gbozu! Ndjaba nœ azœ sœ dœ kœshe, dœ mokœ

œdœ dœ gbøgbø. ² Kœwa nganga nœ ye sœ adjapu œdœ ndjii! Gbambancœ nene, tshe wa øgbø nganga ga pa egerœ yashe angba bubunœ á tshe sœ lima kœndi tshapa øshø dœ angba budu nœ ye asœmœ. Ndjaba tø gedø fœ she mbœrœ á tshe wo lima aayi akwa nœ ye.» ³ Yé endje kpa pa adœke: «Aleluya! 'E donga Gbozu! Ngawo egerœ ongbonœ á ju asœmœ, sœ kœø ga lafo waa dœ waa.» ⁴ Agbø agbozu zazu bale dœ vana (24) œdœ œrœ vana á sœ dœ soro asœmœ gote, yé œ donga Ndjaba á tshe sœ pa ngande tshagbozu dœ koepa adœke: «Ame! Aleluya! 'E donga Gbozu!»

Angbo totœ nœ aya Pata

⁵ Tshama to 6a pa ngande tshagbozu, œ sœ lima koepa adœke: «'E donga Ndjaba nœ azœ, e'e dœ aayi akwa nœ ye para kœkœ, e'e á 'e sœ kœkpa awa ye, agboro azu œdœ aya azu!» ⁶ Manda nœ, mœ dji anga tshama á sœ bata tshama ukpulu azu ndjoro, yé á sœ kœwu tœnœ bata œsœ egerœ udjuru ungu œdœ bata œsœ øgbø kœsœ yavuru. Tshamancœ sœ lima koepa adœke: «Aleluya! 'E donga Ndjaba nœ azœ! Gbambancœ nene, Gbozu Ndjaba nœ azœ á tshe sœ dœ gbøgbø kœ sœ kœmbœrœ akwa ogo tshagbozu nœ ye. ⁷ A sœ dœ yanga œdœ egerœ yanga, yé œ gi mokœ fœ she! Gbambancœ nene, lœndœ angbo totœ nœ aya Pata li ye, yé awonœ gumatœ ye yé. ⁸ Endje za awa fœ she adœke tshe verœ lœba á endje mbœrœ dœ usu agea á tshiitshi yé á sœ yerœ.» (Gbambancœ nene, lœba á endje mbœrœ dœ usu agea kœdœ akwa nœ azu nœ Ndjaba á sœ ndjii.)

⁹ Andjelu pa föe mœ adœke: «Su adœke: Yanga nœ azu á endje e endje ndœ angbo totœ nœ aya Pata!» Tshe kpa pa föe mœ adœke: «Œneke kœdœ adj a o'o nœ ama Ndjaba..»

¹⁰ Mœ gote ga utshu ye ndœ kœdonga she kashe tshe pa föe mœ adœke: «Mbœmbœrœ ataa nene! Œmœ kœdœ ayi akwa bata bœ œdœ bata aaya zœ á endje sœ kœzatœ endje djigi ga tœ adjapu á Yisu mindœ nœ. Ndjaba dá li adœke bœ kœdonga she!»

O'o á Yisu mindœ nœ kœdœ gbetshelœ á sœ ndje lima lœ aayi kœgbara o'o.

Ayi kœkpa dœ ambarata ropa œrœ kœ

¹¹ Manda nœ, mœ wu tshalafo á kœrœ, yé anga imbi mbarata wuta. Uzu á tshe œ ga pa ye, i'iri ye kœdœ Uzu á tshe sœ Ndjii, yé á dœ adjapu. Tshe sœ kœwa ngbanga yé œ sœ kœnga koshe dœ mara á sœ ndjii. ¹² Ala ye tshi lima bata owo, tshe verœ ndje lima kpoto tshagbozu ndjoro ga tœ kumu ye. Endje su lima anga i'iri á kolœ œshe bale dá wusœ ádánœ, ga tœ ye. ¹³ Tshe verœ lima yœgbœdœ lœba á indji sœ tœnœ. I'iri ye kœdœ: «O'o ama Ndjaba.» ¹⁴ Aturugu nœ tshalafo te lima manda ye, endje œ ga pa ambi ambarata, yé œ verœ lima imbi lœba á endje mbœrœ dœ usu agea á sœsœ dœ uburu nene. ¹⁵ Ingiri yakamba á amanœ ki waa sœ lima kœwuta lœ ama ye. Ingiri yakambanœ sœ lima mbœrœ kœwo dœ azu tshelœ ogo kœ. Tshe gbœndœ endje bala dœ œgbœnœ yé œ pu bala tshelœ vinu ba lœ ngarambo yavuru ókó nœ Ndjaba á tshe sœ dœ gbœgbœ kœ. ¹⁶ Endje su lima i'iri ga pa yœgbœdœ lœba nœ ye œdœ ga tœ uku ye adœke: «Gbozugo nœ agbozugo œdœ Gbozu nœ agbozu.»

¹⁷ Manda nœ, mœ wu lima anga andjelu bale, tshe ka 6a la əlɔ. Tshe ta lima rawa dœ ɔgbœ tshama fœ ayanu para á endje sœ lima kœru lœ yugu 6ala wutsha adœke: «'E na ga mœ, 'e ngbœtœ 'e awa bale mbœrœ egerœ kœzirœ nœ Ndjaba! ¹⁸ 'E na œ zi songba agbozugo, songba aturugu œdœ œnœ agbozu tshapa endje, songba ambarata œdœ œnœ aayi kœkpa dœ endje, songba azu para kœkœ, azu á endje dœdœ akanga nene too akanga, aaya azu dœ agboro azu.»

¹⁹ Manda nœ, mœ wu agea, agbozugo tshapa ɔshœ œdœ aturugu nœ endje, endje ngbœbatœ endje ndœ kœnga koshe ga tœ uzu á tshe ɔ ga pa mbarata œdœ ga tœ aturugu nœ ye. ²⁰ Tshe te lima pa ageanœ asœmœ awa bale dœ ayi kœgbara o'o nœ wala á tshe mbœrœ lima afá tœ ala ye mbœrœ kœdjingili tshelœ kumu endjeneke á endje gbœ lima ati nœ agea yé á sœ kœdonga iširœ ye asœmœ. Tshe ko ageance œdœ ayi kœgbara o'o nœ walancœ dœ sorø va ga la adanga á wola zuwa á ju osho á owo sœ kœtshi lœnœ. ²¹ Uzunœ á tshe ɔ ga pa mbaratanœ asœmœ wo udu azuncœ dœ iŋgirœ yakambancœ á sœ kœwuta lœ ama ye, yé ayanu kœ sœ lima kœde songba endje.

20

Ngbugu kutu bale (1000)

¹ Manda nœ, mœ wu anga andjelu á tshe to 6a lafo á sœ lima kœjerœ tœnœ. Tshe sœ lima dœ herela kœkœrœ dœ ama diwili kudu œdœ kikili djingiri tshakane ye. ² Tshe tepa dalagona, ong-boro yakoronœ á i'iri ye kœdœ ndje djaboro too Satana, œ i she vwagbagba dœ djingiri manda

ngbugu kutu bale (1.000). ³ Andjelunœ za she vwi ga lœ dïvwili kudu œ tshu manda nœ kundœ ye doe herela, yé œ pi loba ga tœnœ mbœrœ á tshe koedjidjingili tsheloœ kumu azu ogo nene œrrr ga tœ adœke olo ngbugu kutu bale ro ye kane. Manda nœ, endje vwara she ndœ olo teasho.

⁴ Yé mœ wu ngande tshagbozu ndjoro. Endjeneke á endje sœ lima ga pa nœ, gbo tshagbozu ndœ kœwa dœ ngbanga. Mœ wu ndje iširi azu á endje wo lima endje tœ upunce kœyindoœrœ nœ endje djigi ga tœ adjapu á Yisu mi lima ndœ nœ œdœ ga tœ o'o ama Ndjaba. Endje dodonga lima ageance asœmœ œdœ iširi ye nene, endje gugu lima dœ ati nœ ageance pala endje too ba tœ kane endje nene. Endje kwa lima tœ endje ga lœ soro yé œ mbœrœ akwa tshagbozu awa bale dœ Kristu manda ngbugu kutu bale. ⁵ Anga akuzu kwakwa lima tœ endje ga lœ soro nene utshunœ adœke olo ngbugu kutu bale ro. Etœnœ koedœ ali kœshe lœ akuzu. ⁶ Yanga nœ endjeneke á endje sœ lœ ali kœshe lœ akuzu! Endje koedœ azu nœ Ndjaba yé bisha kuzu kpa gugu dœ tshagbozu ga pa endje nene. Endje dœ bala anganga Ndjaba nœ Ndjaba œdœ endje nœ Kristu, yé œ mbœrœ akwa tshagbozu dœ Kristu manda ngbugu kutu bale (1.000).

Ndjaba ropa satana

⁷ Lœkœ á ngbugu kutu bale kœro bala, endje za awa fœ Satana adœke tshe wuta lœ kânga, ⁸ yé tshe na kœfara azu ogo tshapashœ djigi, œ yindœ

kœpa adœke: Gœge œdœ Magœge*. Tshe ngbœba bala endje mbœrœ kœnga koshe, yé endje ngba koerœ mindu mangu egerœ ungu. ⁹ Endje sœ koena pa oshœ djigi yé œ sœ kœkpa dji gbagba nœ azu nœ Ndjaba, ongbo á Ndjaba yindœ nœ waa. Kashe owo to ba lafo œ jerœ yé œ ju endje ye. ¹⁰ Yé endje za djaboro á tshe sœ lima kœfara endje asœmœ vwi ga la adanga wola zuwa á ju osho á owo sœ kœtshi lœnœ, ba tœ osho á endje ko lima ageanœ œdœ ayi kœgbara o'o nœ wala ga tœnœ. Endje ndanga endje butshœ dœ olœ waa dœ waa.

Ndangba kœwa ngbanga

¹¹ Manda nœ, mœ wu imbi egerœ ngande tshagbozu œdœ uzu á tshe sœ ga pa nœ. Tshapa oshœ œdœ tshalafo yiwa lima tœ ala ye, yé endje kpa wuwu lima tœnce bale nene. ¹² Mœ wu akuzu, agboro endje dœ aaya endje, endje ka ba utshu ngande tshagbozu. Anga uzu kœrœ buku ndjoro, yé œ kpa kœrœ anga angbinœ bale: œtœnce kœdœ buku nœ soro. Ndjaba wa ngbanga nœ akuzu lindœ œneke á endje mbœrœ lima, kœli dœ œneke á endje sú lima ga la bukunœ. ¹³ Egerœ ungu ingbiri gi akuzu á endje sœ lima la nœ ye. Kuzu œdœ osho kœsœ nœ akuzu gi ndje akuzu nœ endje. Yé Ndjaba œ wa ngbanga nœ uzu dœ uzu lindœ œneke á tshe mbœrœ lima. ¹⁴ Ndjaba za kuzu œdœ osho kœsœ nœ akuzu vwi ga la adanga owo. Adanga owonœ asœmœ kœdœ bisha kuzu. ¹⁵ Uzu kœ á endje súsú i'iri ye ga la buku nœ soro

* **20.8** 20.8 Gœge œdœ Magœge: asœke kœdœ mara á endje sœ lima kœ'e dœ ogo nœ ayingba azu nœ Ndjaba á sœ ba tœ ndœngolœ kœka tshapashœ

nene, endje za lima she vvi ga la adanga á owo sœ kœtshi lœ nœ.

21

Tafo tshalafo œdœ tafo tshapashœ

¹ Manda nœ, mœ wu tafo tshalafo œdœ tafo tshapashœ. Ali tshalafo dœ pe ali tshapashœ yiwa lima, yé egerœ ungu kpa gugu lima nene. ² Mœ wu œyerœ ongbo, á dœ tafo Yerusalemé á Ndjaba vwa á to ba lafo á sœ lima kœjeroœ tœnœ. Æ sœ lima bata yashe á tshe gumatœ ye kœna kœtogba doe akœnœ. ³ Mœ dji anga ɔgbœ tshama kœto ba tœ ngande tshagbozu á sœ lima kœpa adœke: «Ngongœ asœke osho kœsœ nœ Ndjaba sœ ba ugurutœ azu! Tshe sœ bala tœ œsœnœ awa bale dœ endje, yé endje dœ bala azu nœ ye. Ndjaba dœ tœ ye œ sœ awa bale dœ endje, tshe dœ bala Ndjaba nœ endje. ⁴ Tshe turu bala ngola kœ lœ ala endje. Kuzu œ kpa gu nene; matanga, dîtshelœma œdœ œrœ oyo œ kpa gugu nene. Gbambanœ nene, ongboro œrœ œ yiwa bala ye.»

⁵ Yé tsheneke á tshe sœ pa ngande tshagbozunœ asœmœ pa adœke: «Ngongœ asœke mœ sœ koembœrœ œrœ kœ tafonœ.» Manda nœ, tshe pa fœ mœ adœke: «Su o'onœ asœ. Gbambanœ nene, o'o ama mœ sœ adjapu œdœ œneke á li adœke uzu za lœsu ye ga tœnœ.»

⁶ Yé tshe kpa pa fœ mœ adœke: «Æ li ye! Æmœ koedœ Alfa œdœ Omega, alinœ œdœ ndœngœlœnœ. Uzu á tshe kœsœ dœ ogo ungu, mœ su ungu á sœ ba tœ kumungu nœ soro fœ she gbambanœ. ⁷ Uzu á tshe ro bala pa anganœ kœ, tshe gbo œrœnœ asœmœ ba ndœ mœ. Mœ dœ bala Ndjaba nœ

ye, yé tshe dœ bala gbolo nœ mœ. ⁸ Tœ upu nœ aayi awa, dœ azu á endje katœ kœyindœrœ nœ endje ti, dœ azu á endje sœ kœmbœrœ œrœ á gaga nene, dœ aayi kowo, dœ aayi angba budu, dœ aayi kœmbœrœ œrœ tsharawo, dœ aayi kœdonga andjaba cœdœ pe aayi wala para, osho kœsœ nœ endje œ sœ bala 6a la adanga wola zuwa á ju osho á owo sœ kœtshi lœnœ. (Etœnœ kœdœ kuzu nœ bisha.)»

Tafo Yerusalem

⁹ Anga andjelu bale ugurutœ aandjelu mindu dœ bisha á endje ko yashi mindu dœ bisha á su kperœ dœ ndœngolœ egerœ œrœ oyo mindu dœ bisha, na œ pa fœ mœ adœke: «Na ga mœ dœ mœ yisœ yashe totœ á tshe dœ awo aya Patanœ fœ bœ.»

¹⁰ Ishiri jerœ ga pa mœ, yé andjelu za mœ na tœnœ 6a tœ kumu ingiri kaga, á yisœ œyerœ ongbo Yerusalem á Ndjaba vwa á to 6a lafo á sœ kœjerœ tœnœ, fœ mœ. ¹¹ (Œ sœ lima kœtshi dœ adja mokœ nœ Ndjaba. Ongbonœ sœ lima kœtshi tœnœ 6ata kœtshi nœ badja á amancœ gbœ waa, á i'irinœ kœdœ jaspe* á tshelœnœ sœ ngbi 6ata kristale†. ¹² Ongbonœ sœ lima dœ ingiri muru, dœ manda ndjokpa dœ bisha. Yé aandjelu ndjokpa dœ bisha sœ lima kœgbœndœ manda nœ. Endje su lima i'iri mara nœ azu ogo Israyele ndjokpa dœ bisha ga pa manda nœ. ¹³ Tshakala ongbonœ bale dœ bale sœ lima dœ manda votœ: votœ 6a tœ osho á ɔlo

* **21.11** 21.11 Jaspe: Tœnœ kœdœ aya parangba badja á ta kpapawo tœ ngungondja oedœ tœ odoronœ † **21.11** 21.11 Kristale: Tœnœ kœdœ badja á tshelœnœ sœ ngbi 6ata aledjezœ

œ wuta tœnœ, votœ ɓa tœ osho á ɔlœ œ li tœnœ, votœ ɓa tœ nœrœ cœdœ votœ ɓa tœ sudi. ¹⁴ Endje mœ lima muru ongbonœ ga pa kiti anda œnœ badja ndjokpa dœ bisha á endje sú i'iri aayi avwa nœ aya Pata ndjokpa dœ bisha ga panœ.

¹⁵ Andjelu á tshe sœ lima kœpa o'once fœ mœ, sœ lima dœ tshœngbœlœ á endje mbœrcœ dœ ɔrœ tshakane ye mbœrcœ kœdi dœ kœgú ongbonœ, dœ kœgú manda nœ cœdœ pe dœ kœgú murunœ. ¹⁶ Kœgú tshakala ongbonœ vavana liili, kœgú ïngirinœ liili dœ kœgú ondonce. Andjelu di kœgú ongbonœ dœ tshœngbœlœ asœmœ mangba metere kutu bisha dœ kama bisha (2.200); kœgu ïngirinœ, kœgu ondonce cœdœ pe kœgunœ ga lafo sœ lima awa bale. ¹⁷ Andjelu di ndje kœgú murunœ: œ sœ lima mangba kude kama bale dœ zazu bisha dœ vana (144)‡. Mara kœdi œrcœ nœ andjelunœ sœ lima ɓata mara kœdi œrcœ nœ azu. ¹⁸ Endje mœ lima murunœ dœ badja á i'irincœ kœdœ jaspe, yé endje mbœrcœ ongbonœ dœ adja ɔrœ á sœ ngbœi ɓata wushiri. ¹⁹ Endje mœ lima kiti muru nœ ongbonœ dœ tshelœ aka badja kœ á amancœ gbœ waa: ali badjanœ kœdœ jaspe, bishanœ kœdœ safire, votœnœ kœdœ agate, vanancœ kœdœ emerode, ²⁰ mindunœ kœdœ onikese, mindu dœ balenœ kœdœ sardwane, mindu dœ bishance kœdœ krisolite, mindu dœ votœnœ kœdœ berile, mindu dœ vanancœ kœdœ topaze, ndjokpanœ kœdœ kri-zopraze, ndjokpa dœ balenœ kœdœ turkwaze, ndjokpa dœ bishance kœdœ ametiste. ²¹ Endje

‡ **21.17** 21.17 Kude kama bale dœ zazu bisha dœ vana yindœ kœpa adœke uwu ada zazu votœ dœ ndjokpa dœ mindu dœ amancœ vana (79)

mbœrœ lima manda ndjokpa dœ bisha asœmœ dœ badja ndjokpa dœ bisha á i'irinœ kœdœ perle. Manda bale dœ bale sœ lima dœ perle bale tœnœ. Endje mbœrœ lima osho 6a lœ ongbonce dœ adja œrœ á tshelœnœ sœ ngbi bata wushiri.

²² Kashe mœ wuwu lima Tepelo lœ ongbonœ nene. Gbambanœ nene, Tepelo nœ ongbonœ kœdœ Gbozu, Ndjaba nœ gbøgbø kœœdœ pe aya Pata. ²³ Ongbonœ asœmœ gugu lima dœ ogo ɔlœ too dœ ogo yapu adœke œ tœ ga lœnœ nene. Gbambanœ nene, mokœ nœ Ndjaba dâ sœ lima kœtshi lœnœ, yé aya Patanœ kœdœ tala nœ ye. ²⁴ Azu tshelœ ogo ndjoro œ na bala tœ iširi ye, yé agbozugo pa ɔshœ œ ko kœgbœrœ nœ endje na tœnœ ga zœ. ²⁵ Mandanœ œ sœ bala tœ ɔsœnœ dœ ɔlœ, yé endje kpa tshu ga tœnœ bale nene. Gbambanœ nene, butshœ œ kpa gu bala lœ ongbonœ bale nene. ²⁶ Azu tshelœ ogo ndjoro œ na bala dœ œrœ á sœ kœza kœliscœtœ œdœ pe kœgbœrœ nœ endje ga zœ. ²⁷ Erœ uburu œ li ga lœ ongbonœ bale nene. Uzu á tshe sœ kœmbœrœ œrœ á gaga nene œdœ ayi wala, œ li bala ga lœ ongbonce nene. Kashe kolœ endjeneke á endje sú i'irœ endje ga la buku nœ soro á dœ œnœ aya Pata, dâ li ga zœ.

22

Egerœ ungu á za soro fœ azu

¹ Manda nœ, andjelu ma egerœ ungu á za soro fœ azu fœ mœ, œ sœ lima kœtshi tœnœ bata badja á i'irinœ kœdœ kristale á sœ lima kœtu tœnœ 6a pa ngande tshagbozu nœ Ndjaba œdœ pa œnœ aya Pata, ² yé á sœ kœtra tœnœ 6a ugurutoe osho lœ

ongbonœ. Tshakala kota bale dœ bale sœ lima dœ ɔyɔ nœ sorø á sœ kœle tœnœ awa ndjokpa dœ bisha lœ ungu bale, yé á yapu bale dœ bale, œ sœ kœle tœnœ. Kakonœ sœ mbœrœ kœshe azu ogonœ lœ koba. ³ Endje wu bala anga œrœ bale á Ndjaba darandœ nœ lœ ongbonœ nene. Ngande tshagbozu nœ Ndjaba œdœ œnœ aya Pata œ sœ lœ ongbonœ ascemœ, yé aayi akwa nœ Ndjaba œ donga she. ⁴ Endje wu bala tshatshu ye, yé i'iri ye œ sœ bala pala endje. ⁵ Butshœ œ kpa gu nene. Endje kpa sœ dœ ogo iširœ tala œdœ ndje œnœ olœ nene. Gbambanœ nene, Gbozu Ndjaba œ za iširœ osho nœ ye ga pa endje, yé endje mbœrœ akwa tshagbozu nbugu dœ nbugu.

Kœna Yisu

⁶ Manda nœ, andjelu pa fœ mœ adœke: «O'onœ asœ kœdœ adjapu, yé œ li adœke uzu kœ za lœsu ye ga tœnœ. Gbozu Ndjaba á tshe za Iširœ nœ ye fœ aayi kœgbara o'o ascemœ, vwa andjelu nœ ye mbœrœ kœma œrœ á wuta lœ ondonœ asœke fœ aayi akwa nœ ye.»

⁷ Yisu pa adœke: «Dji kane, mœ kwa lœ ondonœ asœ! Yanga nœ azu á endje sœ kœgbœndœ o'o nœ aayi kœgbara o'o la bukunœ asœke!»

⁸ Emœ Yowane, mœ dji yé œ wu œrœnœ ascemœ. Manda kœdji tœnœ œdœ kœwu tœnœ, mœ gote ga utshu andjelunœ á tshe má œrœnœ fœ mœ ascemœ ndœ kœdonga she. ⁹ Kashe andjelunœ pakata mœ adœke: «Dodonga mœ nene! Emœ kœdœ ayi akwa bata bœ, bata aaya zœ aayi kœgbara o'o œdœ bata endjeneke á endje sœ kœgbœndœ o'o la bukunœ asœke. Emœ li adœke bœ donga Ndjaba!»

10 Manda nø, tshe pa fœ mœ adœke: «Zaza o'o nø kœgbara o'o ala bukunœ asœke yiwatœnœ nene. Gbambanœ nene, lœndœnœ á endje guma adœke œrœnœ asœ kœ mbœrcetœ ye, ndo ye.

11 Kaka ayi kœmbœrcœ ekperœ, sœpe kœmbœrcœ ekperœ nø ye; ayi kœmbœrcœ œrcœ uburu, sœpe lœ uburu nø ye; ayi kœmbœrcœ ɔtshœrœ, sœpe kœmbœrcœ tœnœ; yé tsheneke á tshe sœ yerœ, sœpe lœnœ.»

12 Yisu pa adœke: «Dji kane, mœ kwa lœ ondonœ asœke! Mœ na awa bale dœ œrcœ tshangba akwa ndœ kœto fœ uzu dœ uzu liaka œneke á tshe mbœrcœ. **13** Œmœ kœdœ Alfa œdœ Omega, ali uzu œdœ ndœngœlœnœ, ali kœmbœrcœ œrcœ œdœ ndœngœlœnœ.»

14 Yangœ azu á endje djutœ lœba nø endje mbœrcœ kœgbœ awa ndœ kœzi leyœ nø ɔyœ nø soro œdœ kœli lœ manda ongbonœ. **15** Kashe, azu á endje sœ kœmbœrcœ œrcœ á gaga nene, aayi kœmbœrcœ œrcœ tsharawo, aayi angba budu, aayi kowo, aayi kœdonga andjaba œdœ azu á endje yindœ wala yé á sœ kœpa wala, endje sœ ba ushu tœ ongbonœ!

16 «Œmœ Yisu, mœ vwa andjelu nø mœ fœ 'e ndœ kœgbara o'onœ kœ ascœmœ ba lœ Ikrizia para. Œmœ kœdœ gbolo lœ bïngi nø Davidi, œmœ kœdœ tombele á tshi lœ gurutsha.»

17 Ishiri nø Ndjaba œdœ pe Awo aya Pata pa adœke: «Na ga mœ!»

Kaka uzu á tshe dji o'onœ asœ, pa ndje adœke: «Na ga mœ!»

Kaka uzu á tshe sœ dœ ogo ungu na ga mœ,
kaka uzu á tshe yindœ ungu nœ soro gbo œtœnœ
gbambanœ.

Ndøngølø o'o

¹⁸ Æmœ Yowane, mœ sœ kœpa o'onœ o'ara fœ
uzu kœ á tshe dji o'o á endje gbara la buku asœke:
Ædœ uzu kœza o'o ga panœ, Ndjaba œ ko ogboro
œrœ oyo á endje pandœ nœ ala bukunœ asœke,
ga panœ fœ she. ¹⁹ Yé œdœ uzu kœwa átá o'onœ á
endje gbara la bukunœ asœke, Ndjaba œ ko œnœ
ye leyø øyø á za soro fœ azu tœ ye, yé tshe sœ dœ
osho kœscœ lœ œyerœ ongbo á endje pandœ nœ ala
bukunœ asœke nene.

²⁰ Uzu á tshe ma adœke o'onœ asœmœ kœ kœdœ
adjapu, pa adœke: «Æ, mœ kwa lœ ondonœ
asœke!»

Ame! Æ mbœrœ kolœ tœ ye ataa! Na ga mœ,
Gbozu Yisu!

²¹ Kaka Gbozu Yisu ma øtshø lœsu nœ ye ga ndœ
'e para kœkœ.

TAFO AYO
The New Testament in the Manumanaw language of
Myanmar

copyright © 2020 Wycliffe Bible Translators, Inc. and ACOTBA-SUBO

Language: Manumanaw

All rights reserved.

2020-11-19

PDF generated using Haiola and XeLaTeX on 13 Jul 2024 from source files
dated 12 Feb 2024

40e3c5cb-c2ea-5cf8-8a40-4c6f77a45343